

Carta a los Romanos

Kjibokwo ère tara Pablorë

Roma sopga kong

Kjibokwo ère sorë

Domer shäng kjłara ko Pablo. E Sbö tjłökwö łaga Jesús āska włeniyo. Eshkoshko ga Jesús tjłökwö kfragaga löng Roma kjokyo ara. Epga ara judío łlēm włeniyo, gueniyo kjone kjone judío. Judíoga łi wotjłino ga epga kjrara Sbörë bām go kjışhko ga epga tjwłö ara, nopga judío łlēm włeniyo łi kjinmo. Eni ga Pablo jek woydë ba ĩk jłökoyo, gueniyo dbar jek eshko włö włeyde łlēm obi. Eni ga kjibokwo ère tara ba kong, łlëbo łi łlgweya włö, łlëbo shāryara Jesucristorë ba kong łi miyde pjłú włö bakoe. Woyotjłıkoba ga kjibokwo ère tara, sök no shdüzlong uyo roshko Corinto kjokyo łishko.

Roma kjokyo ga judíoga łi wotjłino ga epga āar ber pjłö bek Sbö bokso, kjok łlgwekkłö tara Moisésdë łi söya bëy kjışhko, gueniyo kjibokwo ère go ga łlëbo pina Pablorë ba kong ara. Judíoga, nopga judío łlēm włeniyo, e tjwłö bek Sbö bokso. Nopga uunkong łlëbo owa shāryono, ga beno löng shdüya Sbörë włö. Gueniyo èye mār Jesús go ga ie Sbörë ber pjłö bek ba bokso, ga ber shdungko ame. Shārye eni nopga uunkong kong, judíoga kong, nopga judío łlēm włeniyo kong bakoe. Kjibokwo ère go ga łlëbo ère pina ba kong eni.

1 ¹Kjibokwo ère taga tja Pablorë. Tja Cristo Jesús parkaga. Tja rokara Sbörë, tja iara beno shäng ba tjłökwö roy pjłú łaga Cristo Jesús āska. ²Dënashko ga tjłökwö pjłú ère łara Sbörë ba tjłökwö łagaga kong jłökoyo, ga tara łok beno pjang ba kjibokwo go. ³Tjłökwö ère, e bi Tjłapga Jesucristo roy łayde. E Sbö Wa weno no, David tjëyo bakoe. ⁴Ga wołono irgo ga woshrra Sbörë iröng obi dbo ara go. E go ga shji pina Sbö Sëyarë ga e no erö łlēm, e Sbö Wa bakoe.

⁵Sbö wopjłú łi kjışhko ga tja rokara Jesucristorë beno ba tjłökwö roy łaga ba āska, nopga judío łlēm włeniyo rokër mār ber löng ba go włö, ba tjłökwö kołë łok włö, ba ko ie łok ber kësbang, tjwłö ara włö bakoe.

⁶⁻⁷Sbö nopga löng Roma kjokyo, kjibokwo ère ichër jek bomi kong. Nopga rokara Sbörë ber Jesucristo ĩ łi pjāy bakoe. Pjāy woyde Sbörë ara.

Rokër bi Data Sbö kong, Tjłapga Jesucristo kong ga ba wopjłú łi kjışhko ga pjāy kjimte łok ara, pjāy ie ber löng włëp bakoe.

Pablo syöshtono Sbö kong Roma sopga kjishko

⁸Pjäy mär löng Jesucristo go li, e roy shdöktong kjok kjwang jikong. E kjishko ga Jesucristo ko go ga tja tjëlë bor Sbö kong ga tja wopjlu ba tjok bomi kjishko lër eni. ⁹Tja Sbö parkaga. Ba Wa roy pjlu lër shäng jlökoyo. Ga miyde Sbörë om go ga pjäy woyoshrër iyado, ¹⁰tja syöshtëshko ga rokër ba kong iyado ga tja äätë bomi kjokyo llem obi ëmdë ga tja kjimte äar bomi ik eshko.

¹¹Tja kjimtara Sbö Sëyarë ara, ga pjäy in woydë jlökoyo, pjäy kjimte eni bako wlo, pjäy dbokjrë e go wlo. ¹²Shji ëng kjimtë kar kar lotë bomi kong. Tja mär shäng Jesucristo go sorë li inomi ga pjäy dbokjrë e go. Pjäy mär löng ba go sorë li inor ga tja dbokjrë e go eni bakoe.

¹³Pjeyoga Jesús tjölkwo kjruga, tja jek bomi ik loror ara, nopga löng eshko li pin, Jesús tjölkwo kjre lok wlo, shäryër shäng nopga judío llem wleniyo kong kjok shto oblë oblë sorë ga eni. Lër bomi kong, miydëmi wlo. Gueniyo tja jek bomi ik lërshko ga llëbo wen bor kong iyado. ¹⁴Nopga tjëlë Grecia so tjölkwore, de llemde, nopga kjok miydë arare, de llemde, e bor kong ga llëno llemë. Bek ga Sbö tjölkwo roy pjlu lër nopga judío llem wleniyo löng kës li kong. ¹⁵Tja jek woydë jlökoyo Roma kjokyo, Sbö tjölkwo roy pjlu lër bomi kong eshko wlo e kjishko.

¹⁶Tjölkwo pjlu ëre lër wlo ga e lökyo bor kong llemë. E dbo ara. Eye omtjölkwo kjrono ga döya Sbörë. Shärye eni judfoga kong bäm go, e irgo ga nopga judío llem wleniyo kong bakoe. Lër ga lökyo bor kong llem e kjishko. ¹⁷Miydëy tjölkwo pjlu ëre go ga shji ie Sbörë ber pjlo bek ba bokso, shji mär ba go kjishko, tak pjang ba tjölkwo go sorë li eni. Tjëlë ga «Eye mär Sbö go ga era ber pjlo bek ba bokso.»

Sbö iirkë ara nopga owa kong

¹⁸⁻¹⁹Nopga owa to löng llëbo owa shäryë oblë oblë, tjölkwo bek li miydëba llem wlo. Gueniyo Sbö sorë miydëy wlo li, e miydara lok pjir tjän, pina Sbörë ba kong kjishko. E kjishko ga Sbö sök kjok dogo li iirkë ba kong lok ara, ga shdüya kjangshko ga igöy wëlëe. ²⁰Kjok ëre shäryara Sbörë tek lëkong ga Sbö igöy llemë. Llëbo shäryara li iydë döe. Sbö sök jlö, e sorë, ba dbo ara li pjir llem, e miydëy pjlu e go, kjok ëre shäryara tek lëkong. E kjishko ga «Miydororwa llemë» le nopga lirë ga äe. ²¹Sbö miydara lok ëmdë ga iara beno lok kësbang, tjwlo ara llem, «Tjawa wopjlu bop tjok» lara lok ba kong llem bakoe. Opyono beno löng llëbo llëno llem li woyotjlik erö, beno löng wotjlik drete. ²²Epga kjok miydë ara le lok ëmdë ga beno löng kjok miydë llemë. ²³Sbö wolon llem, e tjwlo ara bakoe. Eni ëmdë ga poshrëya lok woydë llem, ga rayara lok. Llëbo wolon wlo li jyäglö shäryara lok, no jyäglö, sënwa jyäglö, öng jyäglö, äya kjloshko so jyäglö bako, ga beno löng ba poshrëk shara.

²⁴E kjishko ga epga rayara Sbörë beno löng ba wotjlik owa li tjok, llëbo lökyo ara li shärye lok ëng tjok wlo. ²⁵Tjölkwo bek li rayara, Sbö miyde lok woydë llem kjishko. Tjölkwo bek llem li kjayde lok shara. Llëbo

shäryara Sbörë li poshrëyde òk, gueniyo Sbö ba shäryaga òra poshrëra òk òlëme. Era poshrëkko òyado wlo. Ber eni.

²⁶E kjishko ga rayara Sbörë beno löng ba wotjlik owa, lökyo ara wleniyo li tjok. Walëga ëmdë ga domerga woyde ame, opyono beno löng òlëbo shäryako òlëm li shäryë ëng tjok shara. ²⁷Domerga eni bakoe. Walëga woyde òk ame, wotjlik pë domerga tjok erä. Òlëbo shäryako òlëm li shäryara ëng tjok. Eshko ga òlëbo weno ba kong li beno ba shdungglo, òlëbo owa shäryara li kjishko.

²⁸Sbö woyotjliya òk woydë òlëm kjishko ga epga rayara beno löng òlëbo shäryako òlëm li shäryë erä. ²⁹Beno löng òlëbo owa shäryë oblë oblë. Òlëbo owa shärye, wotjlik dbur töng ba kong erö, wotjlik owa oblë kong, no zröya, ëng dboryë kar kar iir go, jyörkë, oblë òywa shjiktëng, ³⁰oblë läywe owa, Sbö òywa shjiktëng, ëng äyoshtë, krë ara, òlëbo owa wleya oblë oblë, ba data, ba mekë kolë òlëm, ³¹wotjlik òlëm, òlëye le li shärye òlëm, oblë woyde òlëm, oblë songe le òlëm bakoe. ³²Sbö tjëno ga ëye opshäryë eni ga e zrökko. E miyde òk pjlu, gueniyo shärye löng eni wopjlu, oblë òlëbo owa shäryë eni li òya òk ga löng wopjlu e kjishko bakoe.

Shji shdüya Sbörë beke

2 ¹Gueniyo ga «No oblë òlëbo owa shäryono» lëy ë kong òlëme. «Miydororwa òlëme» lëmi ga äe. «No oblë òlëbo owa shäryono» lëmishko ga pjäy oprotë löng om go, pjäy löng omshäryë eni bako kjishko. ²Miydëy ga ëye òlëbo owa eniyo shäryono ga shdüya Sbörë beke. ³Eni ga «No oblë òlëbo owa shäryono» lëmi, gueniyo pjäy löng omshäryë eni bako wleni ga miydëmi pjlu ga pjäy shdüya Sbörë eni bakoe. ⁴Miydëmi pjlu ga Sbö wopjlu ara anmoyö, shji shdüya maling òlëm, iirkë bi kong maling òlëm bakoe. Gueniyo òlëbo owa shäryëmi löng li rayëmi òlëm ga «E òlëno òlëme» lëmi òlëme. Shji shdüya maling òlëm, ba wopjlu li kjishko, gueniyo woyde ga òlëbo owa shäryë löng li, e owa jlöe lëy, ga rayëy.

⁵Gueniyo ga òlëbo owa shäryëmi löng li rayëmi woydë òlëm, òlëye kumi woydë òlëm kjishko. E kjishko ga Sbö iirkë bomi kong jëk këgong këgong, ga no òlgwezlong dbaryoshko ga no òlgweya beke. ⁶Eshko ga no kjlara kjlara potjwleya, òlëbo shäryara dö li kjishko. ⁷Ëye drön òlëbo pjlu shäryë, ber tjwlo ara Sbö bokso wlo, äär ber löng së òyado ba tjok wlo ga ie Sbörë ber löng së òyado ba tjok. ⁸Gueniyo ëye wotjlik ba kjishko dö, tjlokwo bek li kjre òlëm, löng òlëbo owa shäryë ga shdüya kjange. ⁹Ëye löng òlëbo owa shäryë ga kong òlëbo iche owa ara, ber löng song jlö wlo. Shärye eni judioga kong bäm go, e irgo ga nopga judio òlëm wleniyo kong bakoe. ¹⁰Gueniyo ëye löng òlëbo pjlu shäryë ga òlëbo pjlu twe ba kong, ie ber löng tjwlo ara, ie ber löng wlep bakoe. Shärye eni judioga kong bäm go, e irgo ga nopga judio òlëm wleniyo kong bakoe. ¹¹Shärye eni, shji uunkong òlgweya bek kjishko.

¹²Ëye òlëbo owa shäryono ga shdüya. Ëye kjok òlgwekklo tara Moisésdë li miydone ga òlgweya, kjok òlgwekklo li go. Ëye kjok òlgwekklo li miydone òlëm ga òlgweya, òlëbo miydara li go. ¹³Ëye ber pjlo bek Sbö bokso, kjok òlgwekklo li miydara kjishko òlëme. Ëye omkolono ga era ie ber pjlo bek ba

bokso. ¹⁴⁻¹⁵(Nopga judío llēm wleniyo, kjok llgwekklo li miyde lok llēme. Gueniyo ga llēye shārye lōng li pjłúre, de oware, e miyde lok pjłú, ga llēbo shārye owashko ga miyde lok ga e owa. Eni ga llēbo shārye lok pjłú, tak pjang kjok llgwekklo li go sorē li enishko ga miydēy e go ga kjok llgwekklo li tak beno pjang ba pjlugwo wleni, ga woyotjliya lōng om go.) ¹⁶Llono ga Jesucristo iche Sbörē nopga uunkong llgwek, llēbo woyotjlina ba pjłushko li kjishko. Sbō tjłokwo roy pjłú lēr oba kongshko ga lēr eni iyado.

Judíoga, kjok llgwekklo tara Moisésdē

¹⁷Pjāy kjone kjone judíoga lēmi. Pjāy mār kjok llgwekklo tara Moisésdē li go, ga pjāy krē ara, pjāy Sbō nopga lēmi kjishko. ¹⁸Llēye woyde Sbörē li miydēmi pjłú, llēye ber pjłú anmoyō li miydēmi pjłú bako, pjāy oppino kjok llgwekklo li go kjishko lēmi. ¹⁹⁻²⁰Tjłokwo bek li, kjok miydē li, e tak pjang kjok llgwekklo li go. Eni ga pjāy wotjlík ga kjok llgwekklo li miydēmi pjłú kjishko ga pjāy nopga kjok igō llēm wleniyo bapshiga lēmi, pjāy so iök shjiy kjoyo, nopga to lōng kjok ro sí roy wleni li kong lēmi bakoe. Pjāy opyē woydē ber lōng nopga kjok miydē llēm li pingga, kjwozirga poshdungga bakoe. ²¹¿Eni ga pjāy oba pingga, pjāy om go opping woydē llēm ega? «Shji lūrķē llēme» lēmi oblē kong, gueniyo pjāy om go lōng lūrķē. ²²«Shji pē oma boy oblē tjok llēme» lēmi oblē kong, gueniyo pjāy om go omshāryē eni. Sbōpga jyāglo, e iywomi shjiktēng lēmi, gueniyo llēbo luyotķēmi sbōpga jyāglo li syō uyo roshko dwayo. ²³Pjāy krē ara, kjok llgwekklo li kjishko, gueniyo kolēmi lōng llēme. Eni ga Sbō iēmi lōng tjwłō llēm, ²⁴tak pjang ba tjłokwo go sorē li eni. Tjłē ga «Bomi kjishko ga Sbō ko li lāywe nopga judío llēm wleniyorē owa.»

²⁵Jłokoyo ga ēye kjok llgwekklo li kolē ga doyo jyā tak pjir li ba kong ga tjwłō tjok. Gueniyo ēye omkolē llēm ga ba kong ga e tjwłō llēme. ²⁶⁻²⁷Nopga doyo jyā tak llēm wleniyo lira, kjok llgwekklo li kolara wleni ga beno lōng doyo jyā tak pjir wleni Sbō bokso. Gueniyo pjāy kjok llgwekklo li miydaga, pjāy doyo jyā tak pjir bakoe. Eni ēmdē ga kjok llgwekklo li koloromi llēm kuzong ga epga ber lōng bomi rotaga.

²⁸¿Judíoga jłokoyo li ē? Ēye dataga judío dō ga e judío jłokoyo llēme. Ēye doyo jyā tak pjir dō ga e judío jłokoyo llēm bakoe. ²⁹Nopga wotjlík bek ba pjłushko li, judíoga jłokoyo li epga. Ēye doyo jyā tak pjir, tak pjang kjok llgwekklo go sorē li eni ga e beno lōng jyā tak pjir jłokoyo llēme. Ēye ber jyā tak pjir jłokoyo wlo ga woyde ga jyā te Sbō Sēyarē ba pjłushko wleni. Nopga eniyo poshrēga norē llēm, poshrēga Sbörē.

3 ¹Eni ēmdē ga ēye judío, ēye doyo jyā tak pjir, e llēno llēme lotē llēme. ²Sbō tjłokwo onmo li iara beno tjeng ba wloshko. ³Gueniyo kjone kjone Sbō rayono pjire. ¿E kjishko ga llēye lara Sbörē ba kong jłokoyo li shārye eni llēme lēmire? ⁴Eni llēme. Nopga uunkong jyōrkē wleni ēmdē ga Sbōra tjłē bek iyado, tak pjang ba tjłokwo go sorē li eni. Tjłē ga «Pja rotēbashko ga

tjłokwo łorop kës li, e beke lëba eni.

Ëbo łlgwepshko ga

łlgwerop beke lëba eni bakoe.»

⁵No kjone kjone tjłë ga «Tjawa łlëbo owa shäryono kjışhko ga ikoba wëłë e go ga Sbö, e pjło beke. E kjışhko ga tjawa shdüya Sbörë li owa» le łok eni. ⁶Miga eni łlëme. ¿Sbö owa jłokoyo kjwe ga nopga łöng kjok ëre kjing go li łlgweya sorëro? ⁷No kjone kjone obi tjłë ga «Tjawa jyörkono kjışhko ga ikoba wëłë e go ga Sbö, e tjłë beke. Eshko ga Sbö beno kësbang, tjwłö ara. ¿Eni ga tjawa shdüya łlëbo owa shäryororwa li kjışhko ega?» le łok eni. ⁸Eni włeni kjwe ga «Łlëbo owa shäryoydë dey, łlëbo pjłú li wen włö» lëy eni dey. No kjone kjone tjłë ga tjawa tjłëno eni le, miga e łorwarë eni łlëme. Ëye tjłëno eni ga shdüya Sbörë beke.

Ëye sök pjło bek łlëme

⁹¿Eni ga shji judío kjışhko ga shji pjłú, oblë kjinmore? Eni łlëme. Judíoga, nopga judío łlëm włeniyo, e łlëbo owa shäryono uunkong, łororwa sorë li eni, ¹⁰tak pjang Sbö tjłokwo go sorë li eni. Tjłëno beno eni:

«Ëye pjło bek Sbö bokso kjłara łlëm,

¹¹ Sbö tjłokwo łlë łokło miydaga ërë łlëm,
Sbö włëga ërë łlëm bakoe.

¹² Sbö rayara nopga uunkongdë,
beno łöng tjwłö łlëme.

Łlëbo pjłú li shäryaga ërë łlëme.»

¹³ «Epga jyörkë erä.

Ga tjłokwo le łok li kjışhko ga
nopga wolon.»

«Shji uara dgurdë ga shji wolon,

ga tjłokwo le łok li kjışhko ga nopga wolon bakoe.»

¹⁴ «Tjłë owa iyado,

łlëbo wen owa oblë kong włö.»

¹⁵ «Wotjłik no zrök erä.

¹⁶ To łöng kjone pogo ga no kjone kjone pjiya, kjone kjone ie ber łöng woydë ara bakoe.

¹⁷ To łöng włëp oblë tjok sorë miyde łok łlëme.»

¹⁸ «Sbö ëmdë ga bangkjre łok łlëme.»

¹⁹Miydëy ga kjok łlgwekkło li twara Sbörë judíoga kong, kołë łok włö. Shäryara eni, nopga uunkong łlgweyashko ga łlëye le łok ba kong ga ä włö. ²⁰Kjok łlgwekkło kës li kołaga ërë łlëme. E kjışhko ga ëye ie Sbörë ber pjło bek ba bokso, kjok łlgwekkło li kjışhko łlëme. Kjok łlgwekkło li twara beno e kong włö łlëm, twara beno shji łlëbo owa shäryë li miydokłö włö erä.

Nopga ie Sbörë ber pjlo bek ba bokso, mär Jesucristo go kjishko

²¹Nopga ber pjlo bek Sbö bokso sorë li tara beno pjang kjok ilgwekklo tara Moisésdë li go, kijbokwo tara Sbö tjlokwo lagaga tek dënashko sorë li go bakoe. Ga eerishko ga e pina Sbörë bi kong wëlee. Nopga ber pjlo bek ba bokso, kjok ilgwekklo li kjishko llëme. ²²Nopga ie ber pjlo bek ba bokso, mär Jesucristo go kjishko erä. Nopga uunkong döya eni, judíoga, nopga judío llëm wleniyo bakoe. ²³Nopga uunkong llëbo owa shäryono, llëye woyde Sbörë shärye wlo li shäryaga ërë llëme. ²⁴Gueniyo Sbö wopjlú li kjishko ga nopga döya ba shdungglo dbo dorko dwayo iguing, Cristo Jesús wolono ba kjishko li kjishko. Nopga ie ber pjlo bek ba bokso eni. ²⁵⁻²⁶Jesucristo ichara wolon, owa pjang nopga go li löya ber dret ga pjlu wlo, mär löng srëng kwono li go kjishko. E kjishko ga beno löng shdunko ame. Shäryara eni, llëbo shärye bek iyado li piya nopga kong wlo. Dënashko ga nopga shduna llëbo owa shäryara li kjishko llëm, iirkë maling llëm kjishko. Gueniyo eerishko ga ëye mär Jesús go ga ie ber pjlo bek ba bokso. Miydëy e go ga llëbo uunkong shärye bek iyado.

²⁷⁻²⁸¿Eni ga shji krë llë kjishko ga pjlu? Shji krë llë kjishko ga äe. Miydëy pjlu ga nopga ber pjlo bek Sbö bokso, mär Jesús go kjishko, kjok ilgwekklo li kolë kjishko llëme. Eni ga shji krë llë kjishko ga äe. ²⁹¿Ga Sbö, e judíoga Sbö eröre? Eni llëme. E nopga judío llëm wleniyo Sbö bakoe. ³⁰Sbö sök kjlaraso eröre. Nopga doyo jyä tak pjir li ie ber pjlo bek ba bokso, mär löng Jesús go kjishko. Nopga doyo jyä tak llëm lira ie ber pjlo bek ba bokso, mär löng Jesús go kjishko bakoe. ³¹¿Eni ga pjây wotjlik ga tjawa mär löng Jesús goshko kuzong ga kjok ilgwekklo li ber tjwlo ame lorwarë löng eni lë mire? Eni llëme. Kjok ilgwekklo li tjwlo ara lorwarë.

Abraham iara Sbörë beno pjlo bek ba bokso, mär ba go kjishko

4 ¹¿Era eni ga bi kjokë Abraham lira, llëbo weno ba kong dënashko li, shji opping ba go llë? ²E beno pjlo bek Sbö bokso, llëbo pjlu shäryara li kjishko kjwe ga krë ga pjluë. Gueniyo krë Sbö bokso ga äe. ³Sbö tjlokwo tak pjang eni: «Abraham iara Sbörë beno pjlo bek ba bokso, ba tjlokwo kjrara, ga mär beno shäng ba go li kjishko.»

⁴No kjlara parkë oblë kongshko ga parkaga li potjwleya. Eshko ga e ba sengglo ley llëm, e pak shäryara ba kong li potjwleyde. ⁵Gueniyo nopga owa wleniyo ie Sbörë ber pjlo bek ba bokso, epga mär ba go kjishko, llëbo pjlu shäryara lok ba kong li kjishko llëme. ⁶Bi tjlapga tek dënashko so David tjläno eni bakoe. Tjläno nopga iara Sbörë beno pjlo bek ba bokso kjishko. Epga iara beno pjlo bek ba bokso, llëbo pjlu shäryara lok kjishko llëme. Eni ga beno löng wopjlúë. Tjläno beno eni:

⁷«Ëye, owa pjang ba go li löna Sbörë beno dret, shdüya ame wlo ga era ber wopjlúë.

⁸Ëye, llëbo owa shäryara li woyoshre Sbörë ame ga era ber wopjlú bakoe.»

⁹Abraham iara Sbörë beno pjlo bek ba bokso, mär ba go kjishko lororwa eni tjän. ¿Eni ga ba wopjlú li beno nopga doyo jyã tak pjir li kong eröre? Eni llême. E beno nopga doyo jyã tak llêm li kong bakoe. ¹⁰Abraham iara beno pjlo bek ba bokso, doyo jyã tak llêm obishko. ¹¹Lú to jek ara irgo ga ichara Sbörë doyo jyã të, iara Sbörë beno pjlo bek ba bokso, mär ba go kjishko tjän li jyãglo. Eni ga beno nopga doyo jyã tak llêm mär Sbö go, ie ber pjlo bek ba bokso wlo li data wleni. ¹²Nopga doyo jyã tak pjir lira mär Sbö go, Abraham omshäryono doyo jyã tak llêm obishko dik wleni ga Abraham beno ba data wleni bakoe.

¹³Sbö tjëno Abraham kong jlokoyo, ba tjëyo tek ber ba irgo li kong ga kjok uunkong ëre twe ber ba kong lok lara eni. Tjlokwo li kjrara lok, ga mär beno löng Sbö go. E kjishko ga iara beno pjlo bek ba bokso. Tjlokwo li beno ba kong e kjishko, kjok ilgwekklo tara Moisésdë li söra bëy kjishko llême. ¹⁴Eni ga shji iche mär kjok ilgwekklo li go, tjlokwo lara jlokoyo li kjrëy wlo kjwe ga shji mär Sbö go li tjwlo llêm, tjlokwo lara jlokoyo li tjwlo llêm bakoe. ¹⁵Kjok ilgwekklo, e kolako. Eni ga ëye kjok ilgwekklo tjok wleni ga kole llêm ga shdüya Sbörë. Gueniyo ëye kjok ilgwekklo llêm wleni ga shdüya llêm, llebo kolako ba kong llêm kjishko.

¹⁶Eni ga Sbö wopjlú li kjishko ga llebo lara Abraham kong jlokoyo, Abraham mär ba go kjishko. Eni ga tjlokwo li ber nopga uunkong mär ba go Abraham dik li kong, kjok ilgwekklo li kolagaga kong dö llême. Eni ga Abraham beno nopga uunkong mär Sbö go baiya dik li data wleni, ¹⁷tak pjang Sbö tjlokwo go sorë li eni. Tjlë ga «Pja ioror beno tjëyoga ara data.» Tjlokwo ëre lara Sbörë ba kong jlokoyo, tjlokwo lara ba kong bäm go li kjrara, ga mär beno shäng ba go kjishko. Nopga wolono tjeng li woshre ga pjluë. Eni ga ëye wentë llêm obi ga iche wen ga pjlu bakoe.

¹⁸Llebo lara Sbörë Abraham kong jlokoyo, gueniyo shärye sorë miyde Abrahamdë llême. Eni ëmdë ga tjlokwo li kjrara, ga beno sök ba koshe. E kjishko ga beno tjëyoga ara data, lara ba kong sorë li eni. ¹⁹Eshko ga lu pjloglo sak dbaw (100) dik kjishko ga miyde pjlu ga wapga ame. Ba boy Sara wapga ame li miyde pjlu bakoe. Eni ëmdë ga beno shäng mär Sbö go jlokoyo. ²⁰Sbö tjlokwo li jyö lara llêm, shärye eni llêm kjwe lara llêm bakoe. Benó shäng mär ba go erä, ga poshrëra ara. ²¹Eshko ga miyde pjlu ga Sbö dbo ara, lleye lara ba kong jlokoyo li shärye eni wlo. ²²Iara Sbörë beno pjlo bek ba bokso e kjishko, ²³tak pjang ba tjlokwo go sorë li eni. Gueniyo tak pjang ba kong dö llêm, ²⁴tak pjang bi kong bakoe. Shji uunkong mär löng Sbö go ëre ie ber pjlo bek ba bokso. Bi Tjlapga Jesús woshraga iröng obi li e. ²⁵E ichara wolono, owa pjang bi go li potjwlëkklo, ga woshraga iröng obi, shji ie ber pjlo bek ba bokso wlo.

Shji löng wlep Sbö tjok

5 ¹Eni ga shji mär Tjlapga Jesucristo go kjishko ga shji iara Sbörë beno pjlo bek ba bokso, ga shji iara Jesucristorë beno wlep Sbö tjok shara. ²Shji mär löng Cristo go kjishko ga shji kjimte Sbörë iyado, ba wopjlú li kjishko. Ga shji äär ber löng baiya dik li koshe löng wopjlú. ³Miydëy ga shji shdungoba li ber bi

kong pjlú, shji dbokjrë wlo, shji ber löng wokjang wlo bakoe. E kjishko ga eerishko ga shji shdungoba wleni ga shji löng wopjlúe. ⁴Shäryoroy eni ga Sbö ber wopjlú bi tjok. E kjishko ga llebo pjlú shärye bi kong li koshëy ber löng wopjlúe. ⁵Ga shärye eni jlökoyo. Bi go ba Sëya ichara beno kësbang bi tjok, ga shji woyde Sbörë ara li pina bi kong welëe. Miydëy e go ga llebo pjlú koshëy löng li shärye eni jlökoyo.

⁶Shji opdök om go ga äe. Gueniyo Cristo wolono bi kjishko, Sbö woydëy löng llëm obi gueniyo. ⁷No optwë wolon oblë kjishko ga kjang. Kjone kjwe optwë eni, no pjlo bek wleniyo kjishko. ⁸Gueniyo shji woyde Sbörë ara li pina bi kong eni: Shji löng llebo owa shäryë obishko ga Cristo wolono bi kjishko.

⁹Shji iara Sbörë beno pjlo bek ba bokso, Cristo wolono, srëng kwono li kjishko. Miydëy e go ga no llgwezlong dbaryo ga Sbö iirkë bi kong llëm, ga shji shdüya eshko llëm bakoe. ¹⁰Dënashko ga shji Sbö wloyoga obishko ga shji iara beno löng wlëp ba tjok, ba Wa wolono li kjishko. Ga ba Wa sök së obi kjishko ga shji döya bi shdungglo dbo dorko, ga shji ie ber löng së iyado ba tjok. ¹¹Gueniyo erö llëme. Shji iara Sbörë beno löng wlëp ba tjok, bi Tjlapga Jesucristo kjishko. Shji löng wopjlú e kjishko bakoe.

Adán, Jesucristo

¹²Dämärshko ga domer kjlaraso llebo owa shäryono, ga beno shäng wolon wlo e kjishko. Eni ga nopga uunkong beno löng wolon wlo, uunkong li llebo owa shäryono kjishko. ¹³Kjok llgwekklo tara Moisésdë li twayde Sbörë nopga kong llëm obishko ga nopga löng llebo owa shäryë tjän, gueniyo kjok llgwekklo llëmshko ga ëye ie Sbörë ber löng shdungko, kjok llgwekklo li kolara llëm kjishko llëme. ¹⁴⁻¹⁵Eni ëmdë ga Adán dbaryo äär jong Moisés dbaryoshko ga nopga wolono. Adán llebo owa shäryono, tjlokwo lara Sbörë ba kong li kolara llëm kjishko. Epgara llebo owa shäryono, eshko ga kjok llgwekklo llëm gueniyo.

Adán llebo owa shäryono, ga nopga uunkong beno löng wolon wlo, llebo owa shäryara domer kjlarasorë li kjishko. Llebo shäryara Jesucristorë li, e beno eni bakoe. Ba kjishko ga nopga döra Sbörë ara, ba wopjlú li kjishko, ga tjwlö shira llëme. Miydëy e go ga Sbö wopjlú li tjwlö ara, llebo owa shäryara Adándë li kjinmo. ¹⁶Llebo owa shäryara domer kjlarasorë li kjishko ga nopga uunkong beno löng shdungko. Gueniyo Sbö wopjlú li kjishko ga shji llebo owa shäryono ara ëmdë ga shji iara beno pjlo bek ba bokso. ¹⁷Domer kjlaraso llebo owa shäryono li kjishko ga nopga uunkong beno löng wolon wlo. Gueniyo Sbö wopjlú li tjwlö ara e kjinmo. Jesucristo kjishko ga ëye iara beno pjlo bek ba bokso ga ie ber löng së iyado ba tjok, ga tjwlö shiya llëme.

¹⁸Domer kjlaraso llebo owa shäryono li kjishko ga nopga uunkong beno löng shdungko. Eni ga domer kjlaraso llebo pjlú shäryono li kjishko ga nopga uunkong ber löng së iyado Sbö tjok ga pjlú, ie Sbörë ber pjlo bek ba bokso li kjishko. ¹⁹Domer kjlaraso Sbö kolono llëm kjishko ga nopga uunkong beno löng llebo owa shäryaga erä. Eni ga domer kjlaraso Sbö kolono kjishko ga nopga ara iara beno pjlo bek ba bokso.

²⁰Kjok ñlgwekklo tara Moisésdë ñi twara Sbörë nopga kong, ñlëbo owa shäryë löng ñi miyde ñok jek këgong wlo. Ñna ñok e go ga ñlëbo owa shäryë löng ñi kësbanke. E go ga miydara ñok ga Sbö wopjlu ñi kësbang bakoe. ²¹Dënashko ga ñlëbo owa ñi, shji wñëna, iara beno löng woñon wlo. Gueniyo eerishko ga Sbö wopjlu ñi, shji wñëna, ga shji iara beno pjlo bek ba bokso bi Tjlapga Jesucristo kjishko. E kjishko ga shji iara beno löng së iyado ba tjok.

Shji woñono wñeni, shji löng së jlokooyo bakoe

6 ¹¿Eni ga ñlë löydë? ¿Shji ñlëbo owa shäryë jek këgong, Sbö wopjlu ñi iy jek këgong wlo löydëre? ²E löydë ñlëme. Ëye woñono ga ichëy ñlëbo shäryë ga ñe. Shji iche bi wotjlik owa ñirë ame eni wñeni bakoe. ¿Eni ga shji ber löng ñlëbo owa shäryë sorëro? ³Shji waraba jer di roshko, shji tño beno tjeng Cristo Jesús tjok kjishko. E shji woñono ba tjok wñeni ñoklo. ¿E miydëmi ñlëmdo? ⁴Cristo woñonoshko ga jnenaba buk sakshko. E irgo ga woshrara Data Sbörë iröng obi, ba dbo ara go. Ga shji waraba jer di roshko ñi, e shji woñono, jnenaba tjeng ba tjok bako wñeni ñoklo. Shji opshik tëm di roy dwayo iröng obi ñi, e shji beno löng tjañlën wñeni ñoklo bakoe.

⁵Shji tño beno tjeng ba tjok, shji woñono ba tjok wñeni kjishko. Miydëy e go ga shji woshre Sbörë iröng obi ba tjok wñeni bakoe. ⁶Bi wotjlik owa dënashko ñi, e ñok beno pjang kjlös go Cristo tjok wñeni, shji iche ñlëbo owa shäryë ame wlo, shji ber tjeng ba dbo dorko ame wlo bakoe. ⁷Shji woñono wñenishko ga shji beno ichaga ñlëbo owa ñirë ame.

⁸Shji woñono Cristo tjok wñeni kuzong ga miydëy ga ñlono ga shji ber löng së ba tjok bakoe. ⁹Miydëy ga Cristo woshrara Sbörë iröng obi kuzong ga woñon ame, beno shäng së iyado wlo. ¹⁰Woñono pjlaraso, owa pjang nopga uunkong go ñi potjwlëkklo, ga woñon ame. Beno sök së, ñlëye woyde Sbörë ñi shäryë wlo.

¹¹Pjäy wotjlis eni bakoe. Pjäy woñono wñeni, pjäy iche bomi wotjlik owa ñirë ame wlo. Pjäy löng së jlokooyo, pjäy tño beno tjeng Cristo Jesús tjok kjishko, ñlëye woyde Sbörë ñi shäryëmi wlo. Pjäy wotjlis eni. ¹²E kjishko ga shji löng së obishko ga shji iche bi wotjlik owa ñirë ame, shji woyde bi doyorë ñlëbo owa shäryëshko ga shäryëy ñlëm wlo. ¹³Bi doyo ichëy ñlëbo owa shäryë ñlëme. Pjäy optwos Sbö kong dey. Pjäy iara beno löng së jlokooyo kuzong ga bomi doyo ichozi ñlëbo pjlu shäryë dey. ¹⁴Pjäy beno ichaga kjok ñlgwekklo tara Moisésdë ñirë ame, pjäy beno ichaga Sbö wopjlu ñirë shara. E kjishko ga pjäy ichaga ber bomi wotjlik owa ñirë ame.

Dënashko ga shji löng bi wotjlik owa dbo dorko

¹⁵Shji beno löng ichaga kjok ñlgwekklo ñirë ame, shji beno ichaga Sbö wopjlu ñirë shara. ¿Enira shji ber löng ñlëbo owa shäryë ga pjlu? Eni ñlëme. ¹⁶Shji opyë obñë kolëshko ga shji tjeng ba wloshko. ¿E miydëmi ñlëmdo? Eni ga shji opyë bi wotjlik owa ñi kolë wñeni ga shji iche woñon. Gueniyo shji opyë Sbö kolë wñeni ga shji ie ber pjlo bek ba bokso. ¹⁷⁻¹⁸Dënashko ga pjäy löng bomi wotjlik owa ñi kolë eröe. Eni ëmdë ga tjlokwö kuromi ñi kjroromi, ga

koloromi bakoe. Pjây döktong ðlebo owa shäryëmi löng li dbo dorko dwayo, pjây beno löng ichaga ðlebo pjlu lirë shara. Tja wopjlu Sbö tjok e kjishko.

¹⁹Tja tjle shäng bomi tjok ere lle loklo miydëmi maling ðlem, bomi wotjlik owa li kjishko. E kjishko ga tja tjle shäng bomi kong ðlebo jyaglo ere go, miydëmi wele wlo. Dënashko ga bomi doyo ichëmi löng ðlebo owa shäryë oblë oblë. E kjishko ga ðlebo owa shäryoromi jek këgong këgong. Eerishko ga bomi doyo ichozï ðlebo pjlu shäryë dey, pjây ber tjeng dboy Sbö kong wlo. ²⁰Pjây löng bomi wotjlik owa li kolë obishko ga ðlebo pjlu li woyotjlinomi ðleme. ²¹¿Lëye pjlu shiromi e go? Eshko ga pjây iara beno löng wolon wlo erä, ga eerishko ga e lökyo bomi kong ara. ²²Gueniyo pjây döra Sbörë bomi wotjlik owa li dbo dorko dwayo, pjây iara beno löng ba kolë shara. ¿Lëye pjlu shimi löng e go? Pjây äar ber löng dboy Sbö kong, ga ðlono ga pjây ber löng së iyado ba tjok bakoe. ²³Shji ðlebo owa shäryë wleni ga shji potjwlëkklo tjok, shji wolon li e. Gueniyo shji töno beno tjeng Cristo Jesús tjok wleni ga shji ie Sbörë ber löng së iyado ba tjok, ga tjwlo shiya ðleme.

Ëye wolono ga ichaga kjok ðlgwekklorë ame

7 ¹Pjeyoga, kjok ðlgwekklo li sorë, e miydëmi pjluë. Ëye wolono ga iche kjok ðlgwekklo lirë ðlem, nopga löng së li ichayde döe. ²Kjok ðlgwekklo buk kjrina, tjle ga walë orkwosmok shäng pjir ga woyde ga ber sök ba ðanma tjok iyado, raye ðleme. Gueniyo ba ðanma wolonoshko ga kjok ðlgwekklo li beno ba kong tjwlo ame. ³Eni ga walë orkwosmok shäng pjir li ðanma sök së obishko ga orkwosmono domer oblë tjok wleni ga ðlebo owa shäryayde ðeba eni. Gueniyo ba ðanma wolonoshko ga kjok ðlgwekklo li beno ba kong tjwlo ame, orkwosmok domer oblë tjok ga pjluë. Eshko ga ðlebo owa shärye ðleme.

⁴Pjeyoga, shji eni wleni bakoe. Shji wolono Cristo tjok wleni kuzong ga shji döktong, shji beno ichaga kjok ðlgwekklo tara Moisésdë lirë ame. Cristo woshara Sbörë iröng obi, ga shji beno löng ichaga erë shara, shji ber löng ðlebo pjlu shäryë Sbö kong wlo. ⁵Dënashko ga shji ichaga bi wotjlik owa lirë. Ga kjok ðlgwekklo li miydoroyshko ga shji wotjliño ðlebo owa tak pjang e go li shäryë jek këgong erä. Eshko ga shji löng wolon wlo e kjishko. ⁶Gueniyo eerishko ga shji wolono löng wleni kuzong ga shji döktong kjok ðlgwekklo li dbo dorko dwayo, shji ichaga erë ame. Ga shji beno löng së tjaqlën wleni, shji parkë Sbö kong oblë wlo. Shji ichaga kjok ðlgwekklo tak pjang kjibokwo go tek dënashko lirë ame, shji beno löng ichaga Sbö Sëyarë shara.

Shji ðlebo pjlu shäryë woydë, gueniyo ðlebo owa shäryoydë döe

⁷Eni ga lle löydë? ¿Kjok ðlgwekklo li owa löydëre? Eni ðleme. Kjok ðlgwekklo li miydoror ðlem kjwe ga ðlebo owa shäryoror shäng li owa miydoror ðleme. Kjok ðlgwekklo tak pjang kjrina tjle ga shji oma ðlebo koik ðleme. E miydoror ðlem kjwe ga ðlebo koïnor shäng li owa miydoror ðleme. ⁸Gueniyo ga kjok ðlgwekklo li miydororshko ga tja wotjliño ðlebo koik ara anmoyö. Gueniyo kjok ðlgwekklo ðlem kjwe ga shji iche bi wotjlik owa lirë ðlebo shäryë eni ðleme. ⁹Dënashko ga kjok

İlgwekkĭo ĩi miydotë İlëm obishko ga tja sök pĭlúe İloror. Gueniyo miydororshko ga İlëbo owa shäryoror shäng ĩi owa İğör wëĭ, ga tja ber woĭon wĭo e kĭishko ĩi miydoror kĭok İlgwekkĭo ĩi go bakoe. ¹⁰Kĭok İlgwekkĭo ĩi twak beno bi kong, shĭi ber löng së İyado sorë ĩi miydokĭo. Gueniyo shĭi iara beno löng woĭon wĭo shara.

¹¹Kĭok İlgwekkĭo ĩi miydororshko ga tja jyäpgwara bor wotĭĭik owa İirë. Eshko ga tja wotĭĭino İlëbo owa shäryë ara anmoyö, ga tja woĭon wĭo e kĭishko miydoror kĭok İlgwekkĭo ĩi go. ¹²Eni ëmdë ga kĭok İlgwekkĭo twara Sbörë bi kong ĩi, e pĭlú, pĭlo beke. ¹³İEni ga tja beno shäng woĭon wĭo ĩi İaga kĭok İlgwekkĭo pĭlú İirë İotëre? Eni İlëme. Tja beno shäng woĭon wĭo ĩi İaga İlëbo owa shäryoror shäng İirë. Kĭok İlgwekkĭo ĩi beno ba miydokĭo erä, İlëbo owa shäryoror shäng ĩi owa İğör wëĭ e go wĭo.

¹⁴Miydëy pĭlú ga kĭok İlgwekkĭo ĩi twaga Sbörë. Gueniyo tjara no, tja shäng bor wotĭĭik owa ĩi dbo dorko erä. ¹⁵İlëbo shäryër shäng ĩi sorë miydër shäng İlëme. İlëbo shäryër woydë ĩi shäryër İlëme. İlëbo shäryër woydë İlëm ĩi shäryotë shäng döe. ¹⁶Eni ga İlëbo shäryër woydë İlëm ĩi shäryër shäng kuzong ga miydër e go ga kĭok İlgwekkĭo ĩi pĭlú İlë. ¹⁷Eni ga İlëbo shäryër shäng ĩi shäryaga tjarë ame, shäryaga bor wotĭĭik owa İirë erä. ¹⁸Miydër ga bor wotĭĭik owa ĩi kĭishko ga tja wotĭĭik bek sira ëmdë İlëme. ¹⁹İlëbo pĭlú shäryër woydë ĩi shäryër İlëme. İlëbo owa shäryër woydë İlëm ĩi shäryotë döe. ²⁰Eni ga İlëbo shäryër woydë İlëm ĩi shäryër kuzong ga shäryaga tjarë ame, shäryaga bor wotĭĭik owa İirë erä.

²¹İlëbo wen bor tjok ĩi eni: Tja İlëbo pĭlú shäryë woydëshko ga İlëbo owa wen tjwe İaga bor wotĭĭik owarë ĩi, e shäryotë döe. ²²Kĭok İlgwekkĭo twara Sbörë ĩi bor kong ga pĭlú İlë. ²³Gueniyo bor wotĭĭik owa ĩi ëngkjwë bor tjok wĭeni, tja shaya wĭo wĭeni, İlëbo pĭlú shäryër woydë ĩi shäryër İlëm wĭo. Eni ga tja beno shäng bor wotĭĭik owa ĩi dbo dorko erä. ²⁴Bor doyo ëre, tja iche woĭon. Tja song İlë. İTja döga ërë? ²⁵Tja döga bor Tĭlapga Jesucristorë. Tja wopĭlú Sbö tjok e kĭishko.

Eni ga beno eni: Kĭok İlgwekkĭo twara Sbörë ĩi kolër woydë, gueniyo bor wotĭĭik owa ĩi kĭishko ga tja beno shäng İlëbo owa shäryë eröe.

Shĭi măr Sbö Sëya go

8 ¹Eni ga ëye tōno beno tjeng Cristo Jesús tjok ga beno löng shdungko ame. ²Dënashko ga tja ichaga bor wotĭĭik owa İirë, ga tja shäng woĭon wĭo. Gueniyo tja măr Cristo Jesús go kuzong ga ba Sëya twara bor kong, ga tja dōra bor wotĭĭik owa ĩi dbo dorko dwayo, tja iara beno shäng së İlökoyo shara. Eni ga tja shäng woĭon wĭo ame. ³Shĭi döya kĭok İlgwekkĭo tara Moisésdë İirë eni ga ä, shĭi iara bi wotĭĭik owa İirë ba kolë İlëm kĭishko. Gueniyo Sbö, ba Wa ichara weno so shĭi nopga owa ëre kjoyo, ber owa pjang bi go ĩi potjwİëkkĭo wĭo. Eni ga ba Wa ĩi doyo shdunaba bi äska, shĭi döya wĭo. ⁴Shäryara eni ga bi shdunggĭo pĭlo bek tak pjang kĭok İlgwekkĭo go ĩi potjwİëkkĭo, shĭi ber shdungko ame wĭo. Eshko ga shĭi beno löng ba Sëya kolë shara, shĭi beno löng bi wotĭĭik owa ĩi kolë ame.

⁵Ëye ichaga ba wotjlik owa lirë ga llëye woyde om go li woyotjliya. Gueniyi ëye ichaga Sbö Sëyarë ga llëye woyde Sbö Sëyarë li woyotjliyde erä. ⁶Ëye ichaga ba wotjlik owa lirë ga ber löng wolon wlo. Gueniyi ëye ichaga Sbö Sëyarë ga ber löng së jlokoyo, ber löng wlep bakoe. ⁷Ëye ichaga ba wotjlik owa lirë ga e Sbö wloyo. Kjek ilgwekklo twara li kole llem, kole ga ä, ⁸ga llebo pjlu shärye, Sbö ber wopjlu ba tjok wlo ga ä bakoe.

⁹Gueniyi pjay go Sbö Sëya wleni ga pjay ichaga löng bomi wotjlik owa lirë ame, pjay ichaga löng Sëya lirë shara. Ëye go Cristo Sëya llem ga e Cristo i lleme. ¹⁰Llono ga bomi doyo, e wolon, llebo owa shäyromi kjishko. Gueniyi pjay go Cristo wleni ga bomi sëya ber löng së iyado, pjay iara Sbörë beno pjlo bek ba bokso kjishko. ¹¹Jesús woshrra Sbörë iröng obi, ga Sbö Sëya pjang bomi go. Eni ga ba Sëya iche, bomi doyo woshre iröng obi eni bakoe.

¹²Pjeyoga, shji ichaga bi wotjlik owa lirë ame. Llëye woyde li shäryë llem ga pjlu. ¹³Pjay iche bomi wotjlik owa lirë wleni ga pjay beno löng wolon wlo. Gueniyi pjay iche Sbö Sëyarë wleni ga bomi wotjlik owa li rayëmi iyado, ga pjay löng së jlokoyo. ¹⁴Ëye mär Sbö Sëya go ga e Sbö wapga. ¹⁵Parkagaga tjwlek löng pjir wleniyo, ba sogo bangkjre löng dete erä. Pjay ie Sëya lirë Sbö bangkjre eni llem, pjay iara beno ba wapga kjishko. Eni ga shji kjimte Sëya lirë tjle Sbö kong. Shji tjle ba kong ga «Abba. Data» ley eni. ¹⁶Sbö Sëya om go li tjle bi kong ga shji Sbö wapga jlokoyo le bi kong bi pjlushko. ¹⁷Eni ga shji Sbö wapga kuzong ga llëye twe ba wapga kong li twe bi kong, twara Cristo kong sorë ga eni. Cristo shdunaba ara. E irgo ga iara Sbörë beno kësang, tjwlo ara. Shjira shdunoba ara eni bako wleni ga shji ie Sbörë ber kësang, tjwlo ara eni bakoe.

Llono ga llebo shärye Sböre bi kong

¹⁸Llëye shärye Sbörë bi kong llono li tjwlo ara anmoyö. E kjishko ga llëye wen bi kong owa eerishko li, e lle llem wleni. ¹⁹Llono ga Sbö wapga jlokoyo li pïya welë. Llebo shäryara Sbörë kjok ëre kjing go tjeng kës li löng ba koshë. ²⁰Llebo uunkong li shäryara Sbörë pjlu, llebo shäryë wlo, ga shärye woydë eni jlokoyo, gueniyi shärye ga ä, shduna Sbörë beno srer wlo kjishko. Gueniyi dbar iara beno kwara, llebo uunkong li ber pjlu iröng obi wlo. ²¹Eshko ga Sbö wapga wolon ame, ga llebo uunkong li ber srer ame wlo bakoe.

²²Walë wloshko chida tjeng döröshko ga bangyo ara, ga kjloshtë ara e kjishko. Miydë ga eerishko ga llebo uunkong shäryara Sbörë li löng kjloshtë eni wleni bakoe. ²³Gueniyi song li llebo shäryara li dö lleme. Shjira löng kjloshtë eni bakoe. Shji kong ba Sëya twara Sbörë. Miydë e go ga llono ga shji ie ber ba wapga jlokoyo, ga bi doyo ie ber tjaglën bakoe. Gueniyi e dbaryo li koshë löng wopro ga shji kjloshtë ara. ²⁴⁻²⁵Shji döra Sbörë kuzong ga shji beno löng e dbaryo li koshë iyado. Llebo koshë löng li igöy lleme. Llebo igöy welë ga koshë löng llem, tjeng bi tjok tjan kjishko. Gueniyi llebo koshë löng li igöy llem obi ëmdë ga koshë löng wopjlu.

²⁶Shji dbo ara llemshko ga shji kjimte Sbö Sëyarë. Shji syöshtë mae. E kjishko ga ba Sëya om go li kjiloshtë Sbö kong bi kjishko, gueniyo llëye le li lëy bi tjlokwo go ga ae. ²⁷Eni ëmdë ga llëye le li miyde Sbörë pjire. Shji wotjlik löng llë miyde Sbörë pjir, ga llëye woyde le ba Sëyarë ba kong bi kjishko li, e layde, llëye le li miyde pjir e kjishko.

Shji woyde Sbörë ara

²⁸Ëye Sbö woydë ara ga rokara Sbörë, llëbo shärye ba tjok wlo. E kjishko ga miydëy pjlu ga llëbo wen ba kong kës li ie ber ba kong pjluë. ²⁹Kjok ëre shäryayde llëm obishko ga ëye mär ba go li miydara pjir tjän. Eshko ga epga äär ber löng ba Wa dik le. Shäryara eni, ba Wa ber tjwlo ara, ba pjeyoga ara li kjinmo wlo. ³⁰Ga nopga äär ber löng eni lara li rokara. E irgo ga iara beno pjlo bek ba bokso, ga llono ga ie ber kësbang, tjwlo ara bakoe.

³¹¿Eni ga llë löydë obi? Sbö shäng bi tjok kuzong ga shji zangga ërë llëme. ³²Ba Wa ëmdë ga wlikara bi kong llëm, ichara wolono bi kjishko. ¿Eni ga llëbo tjeng kës li twe bi kong llëmdo? ³³⁻³⁴Shji kjrara, iara beno pjlo bek ba bokso kuzong ga shji rotaga ërë ame. Cristo Jesús wolono, ga woshrra iröng obi, öötong beno sök Sbö orkwo këlkong. Bi wlikaga Sbö bokso li e. ³⁵Shji woyde Cristorë ara iyado. Shji songshko ga shji woyde ara. Llëbo wen bi kong owashko ga shji woyde ara. Shji shdungobashko ga shji woyde ara. Shji pjli arashko ga shji woyde ara. Shji shwong llemshko ga shji woyde ara. Shji wolontoshko ga shji woyde ara. Shji zröraba ëmdë ga shji woyde ara bako, ³⁶tak pjang ba tjlokwo go sorë li eni. Tjlë ga «Bop kjishko ga tjawa zrökoba woydë iyado.

Tjawa beno löng so öng wlëp ushko so sökoba, zrökoba wlo kjoyoe.» ³⁷Gueniyo llëbo uunkong ëre wen bi kongshko ga zäy iyado, shji kjimte bi woydaga lirë kjishko. ³⁸Miydër pjlu ga shji woyde Sbörë ara iyado. Shji songshko ga shji woyde ara, shji wolonoshko ga shji woyde ara bakoe. Slongga Sbö parkagaga kjok dogo sorë llëm, slongga sëyaga owarë llëm bakoe. Eerishko ga shji woyde ara, shji woyde ara iyado wlo bakoe. ³⁹Slongga llëbo tjeng kjopkwo lirë llëm, slongga llëbo tjeng klung dorong lirë llëm, slongga llëbo tjeng kjone pogo lirë llëm bakoe. Shji woyde Sbörë ara iyado, shji tona beno tjeng bi Tjlapga Cristo Jesús tjok kjishko.

Nopga kjrara Sbörë sorë

9 ¹Tja tona beno Cristo tjok. E kjishko ga tja tjllë beke. Sbö Sëya om go li tjllë bor kong bor pjluushko ga tja shäng jyörkë llëme le. ²⁻³Tja woydë ara bor pjluushko iyado, bor pjeyoga judioga li kjishko. Epga mär ber löng Cristo go wlo ga woyde ga tja ie Sbörë ber Cristo tjok ame, tja ie ber shdungko wleni ga bor kong ga pjluë. ⁴Epga Israel tjëyoga. Epga kjrara Sbörë beno ba wapga. Ba dbo kälä pina ba kong, tjlokwo twara ba kong, beno iyado wlo, kjok llgwekklo li twara ba kong, pina ba poshrëk ba ushko, llëbo lara ba kong jlokoyo ara bakoe. ⁵Ba tjlapgaga tek dënashko so tjwlo ara anmoyö. Cristo tjlapgaga tek dënashko so li epga. Cristo, e Sbö. Uunkong pjluo, poshrëkko iyado li e. Ber eni.

⁶Gueniyo Ìlèye Ìlara Sbörë Israel tjëyoga kong jëlökoyo Ìi shärye eni Ìlème Ìotë Ìlème. Sbö kong ga Israel tjëyoga uunkong, e ba nopga dö Ìlème. ⁷Abraham tjëyoga uunkong beno ba tjëyo jëlökoyo dö Ìlèm bakoe. Sbö tjëlëno ba kong ga «Isaac tjëyo tek ber bop irgo Ìi ber bop tjëyo jëlökoyo eröe» Ìlara eni. ⁸E kjishko ga Abraham tjëyoga uunkong beno Sbö wapga dö Ìlèm, ba wapga weno tjëlökwo Ìlara Sbörë jëlökoyo Ìi kjishko eröe. ⁹Sbö tjëlökwo Ìlono Abraham kong jëlökoyoshko ga tjëlë ba kong ga «Dbar Ìlono Ìloror Ìi go ga pja Ìn tjwe obi. Eshko ga bop boy Sara wloshko wa tjeng kjlara domer tjän» Ìe.

¹⁰Ba wa Ìlara Ìi, e bi tjlapga Isaac. Lu to jek ara ga orkwosmono Rebeca tjok, ga wapga do pjök, kjlë. ¹¹⁻¹³Weno bäm go Ìi Esaú, irgo Jacob. Gueniyo wentë lök Ìlèm obishko ga Jacob kjrara Sbörë, Ìlëbo shärye ba tjok wlo. Kjrara eni, Ìlëbo pjlu shäryara kjishko Ìlème. Eshko ga Ìlëbo pjlu, Ìlëbo owa, e shäryayde lök Ìlèm obi. Gueniyo Sbö tjëlë Rebeca kong ga «Bäm Ìyo Ìi ichaga ber ba lëngdë» Ìe. Ìlëbo Ìlara Sbörë obi Ìi tak pjang ba tjëlökwo go eni: «Jacob woydoror ara. Gueniyo Esaúra Ìywor shjiktëng.»

¹⁴¿Eni ga Ìlë löydë? ¿Sbö, e Ìlëbo shäryë bek Ìlème löydëre? Eni Ìlème. ¹⁵Tjëlëno Moisés kong ga

«Ëye songe Ìër woydë ga e songe löte eröe.

Ëye kjimtër woydë ga e kjimtotë eröe.»

¹⁶Eni ga shji kjimte Sbörë, shji songe Ìe woydë kjishko, e woydë ara kjishko Ìlèm, Ìlëbo pjlu shäryoroy kjishko Ìlèm bakoe. ¹⁷Ìlëbo Ìlara Sbörë Egipto so pjluoy kong Ìi tak pjang ba tjëlökwo go eni: «Pja ioror beno no pjluoy, bor dbo kësbang pin bop go wlo, tja ë miyde nopga löng kjok kjwang jikong Ìirë wlo bakoe.» ¹⁸Miydëy e go ga ëye songe Ìe woydë ga songe Ìe, ëye ie woydë ber sök ëye kuya woydë Ìlèm ga ie ber löng eni bakoe.

¹⁹Pjäy kjone kjone kjwe löng wotjlik ga «¿Eni ga Ìlëye shäryëy Ìi laga erë kuzong ga shji shdüya ega?» Ìëmi eni kjwe. ²⁰Gueniyo pjeyoga, shji no eröe. ¿Ìlëbo shäryara Sbörë Ìi owa Ìëy ba kong sorëro? No parkë Ìlëbo shäryë klung shosho go ga «¿Tja shäryorop jüni ega?» Ìe klung shosho Ìirë ba kong ga äe. ²¹Klung shosho kjrinaso ëmdë ga sbi shärye kjwo pjök e go ga pjluë. Kjwara shärye wolësowa, tjwlo ara, ie ber tjeng dboy wlo, kjwara obi shärye uriso, ber Ìlë pogo wlo. Ìlëbo shärye e go, woyde sorë Ìi eni ga pjluë.

²²Woyde Sbörë ga miydëba ga e iirkë ara nopga Ìlëbo owa shäryono Ìi kong, ga shdüya kjang, ba dbo ara go ga pjluë. Eni ëmdë ga nopga shdungko Ìi shduna maling Ìlèm, kura sök kjing erä. ²³Shäryara eni, ba dbo kälä pïya nopga songe Ìlara Ìi kong wlo. Epga kjrara dënashko, Ìlëbo pjlu shärye ba kong wlo. ²⁴Shji rokara eni. Judíoga rokara dö Ìlèm, nopga judío Ìlèm wleniyo rokara bakoe. ²⁵Kjibokwo tara Sbö tjëlökwo laga tek dënashko so Oseasdë. Ìlëbo Ìlara Tjlapgarë Ìi tak pjang e go eni:

«Ìlono ga nopga botoya Ìlèm löng Ìi iër ber löng bor nopga shara, ga nopga woydoror Ìlèm löng Ìi woydër ara shara.»

²⁶Sbö tjëlökwo tak pjang eni bakoe:

«Dēnashko ga Sbō tjlēno nopga kong ga “Pjāy bor nopga llēme” lāra eni.

Gueniyo llono ga kjok eshko sopga kowe Sbō sōk sē lī wapga shara.»

²⁷Dēnashko ga Isaías tjlēno Israel tjēyoga kjīshko eni:

«Israel tjēyoga trāk llēm, lā sho tjeng dlūng kjako wlēni ēmdē ga dār ber kjlōbō doē.

²⁸No llgweya Tjlapgarēshko ga

nopga lōng kjok ēre kjing go lī shdūya pjir, jekdo,
lāra sorē lī eni.»

²⁹Bām go ga Isaías tjlēno eni:

«Tjlapga, llēye shārye woydē lī shārye ga pjīūe.

Shji tjēyoga tek ber bi irgo lī iara beno lōng sē kjlōbō llēm kjwe ga
shji lōng Sodoma sopga dik,
shji lōng Gomorra sopga dik bakoe.»

Israel tjēyoga mār woydē Cristo go llēme

³⁰¿Eni ga llē lōydē? Nopga judío llēm wlēniyo wotjlīno llēbo pjlo bek lī shāryē llēme. Eni ēmdē ga mār Cristo go kjīshko ga iara Sbōrē beno pjlo bek ba bokso. ³¹Gueniyo Israel tjēyogara drōno ara, llēbo pjlo bek lī shāryē wlo. Eni ēmdē ga ōōtong beno pjlo bek Sbō bokso llēme.

³²¿Eni ega? Äär ber pjlo bek Sbō bokso wlo ga llēbo pjlu tak pjang kjok llgwekklo tara Moisésdē go lī shārye woydē, gueniyo mār woydē Cristo go llēme. Eni ga sabyono akkwo iara beno nopga sabyoklo lī go wlēni,

³³tak pjang Sbō tjlōkwo go sorē lī eni. Tjlē ga

«Jlā! Akkwo iēr ber buk kjwara Siōn kjokyo,
nopga sabyē e go wlo.

Gueniyo ēye mār ba go ga

llēye koshe lī wlēya jlōkoyo.»

10 ¹Pjeyoga, rokēr Sbō kong jlōkoyo ga Israel tjēyoga dōya. Woydēr ara lī e. ²⁻³Miydēr pjlu ga epga drōn ara, parkē Sbō kong wlo.

Gueniyo shji iaga Sbōrē ber pjlo bek ba bokso lī miyde lōng llēme. E kjīshko ga mār woydē ba go llēm, äär woydē ber pjlo bek ba bokso om go erā. ⁴Llēye woydara kjok llgwekklo lirē dō lī, e shāryara Cristorē pjire. Eni ga shji äär ber pjlo bek Sbō bokso wlo ga woyde ga shji mār Cristo go erā.

⁵Moisés tjlēno ga ēye äär woydē ber pjlo bek Sbō bokso wlo, ber lōng sē iyado ba tjok wlo kjok llgwekklo lī kjīshko ga woyde ga kjok llgwekklo lī kolē uunkong bek iyado lē. ⁶Gueniyo shji mār Cristo go, shji ie Sbōrē ber pjlo bek ba bokso wlo. Cristo ōör kjok ēre kjing go tjan. E kjīshko ga «Shji jem Cristo wlēk kjok dogoshko, ter sōy irōng obi wlo» lēy llēme. ⁷Cristo woshrra Sbōrē irōng obi tjan. E kjīshko ga «Shji jer Cristo wlēk shinmoga shtoyo, tēm sōy irōng obi wlo» lēy llēm bakoe.

⁸Moisés tjlēno ga «Sbō tjlōkwo tjeng bop soshko, lēp shäng lī e, woyotjlip shäng lī e bakoe» lāra eni. Tjlōkwo lāra lī, tjlōkwo lērwa lōng bomi kong lī e. ⁹«Jesús, e bor Tjlapga jlōe» lēmi bomi kjamo go, ga «E woshrra Sbōrē irōng obi» lēmi bomi

pjłúshko włeni ga pjây döya Sbörë jłókoyo. ¹⁰Tjłókwo li kjrroy, ga łoroy oblë kong włeni ga shji ie Sbörë ber pjlo bek ba bokso. Shji döya eni. ¹¹Sbö tjłókwo tak pjang eni: «Ëye măr ba go ga llëye koshe li włëya jłókoyo.» ¹²Eerishko ga judioga, nopga judio llëm włeniyo, e Tjłapga kjłaraso shara. Ga ëye kjłoshtë ba kong ga kjimte ara. ¹³Sbö tjłókwo tak pjang eni: «Ëye kjłoshtë Tjłapga kong ga döya.»

¹⁴Gueniyo kjłoshtë ba kong wlo ga woyde ga măr ba go guing. Măr ba go wlo ga woyde ga ba tjłókwo kura guing. Ba tjłókwo kuya wlo ga woyde ga ëye omłono ba kong guing. ¹⁵Ëye omłë ba kong wlo ga woyde ga ichaga tjok guing, tak pjang Sbö tjłókwo go sorë li eni. Tjłë ga «Ëye tjwe Sbö tjłókwo roy pjłú lë ga e llëbo wolësowa.»

¹⁶Gueniyo ba tjłókwo roy pjłú li kjrara Israel tjëyoga uunkongdë llëme. Dënashko ga Isaías tjłëno eni: «Tjłapga, ¿tjawa tjłókwo kjruga ëro?» ¹⁷Eni ga shji măr ber lõng Cristo go wlo ga woyde ga ba tjłókwo kuroy guing. ¹⁸Gueniyo llëbo kjakrokër kjrina. ¿Ba tjłókwo kura łok llëmde? Eni llëme. Sbö tjłókwo tak pjang eni:

«Tjłókwo li lara łok kjone pogo,
shdöktong, öötong kjok kjwang jikong.»

¹⁹Eni ga llëbo kjakrokër jek kjrina obi. ¿Tjłókwo kura li llë łoklo miydara łok llëmde? Dënashko ga Moisés tjłëno ga

«Nopga tjwłö llëm włeniyo kjimtër ara,
pjây Israel tjëyoga ber lõng ba ymoyotkë ara wlo.
Eni ga pjây ber lõng iirkë ara,
nopga kjok miydë llëme lëmi lõng li tjok.»

²⁰Ga dënashko ga Isaías tjłëno, llëye bangkjrara llëm włeni. Tjłë ga «Tja włëna nopga to lõng bor włëk llëm lirë.

Tja oppino shäng nopga lõng bor kjakrokë llëm li kong.»

²¹Gueniyo Sbö tjłëno Israel tjëyoga kjışhko. Tjłë ga

«Epga koshër shäng iyado, wlokrër wlo,
gueniyo llëye kuya woydë llëm,
tja kolë woydë llëm bakoe.»

Sbö ba nopga rayono llëme

11 ¹¿Eni ga Sbö ba nopga rayono lotëre? Eni llëme. Tja om go Abraham tjëyo, tja Israel tjëyo, tja Benjamín tjëyo bakoe. ²Kjok sharyayde llëm obishko ga ba nopga li kjrara. Ga epga rayara llëme. Dënashko ga Israel tjëyoga rotara Elíasdë Sbö kong. ¿Llëye lara li miydëmi llëmde? ³Eshko ga tjłë ga «Tjłapga, öng sho sukklo bop poshrëkklo łok li shdöra łok pjir, bop tjłókwo łagaga lõng li zröra łok pjir bakoe. Beno shäng së li tja erä, ga tja ëmdë ga zröra łok woydë bakoe» lë.

⁴Kuya Sbörë ga tjłë ba kong ga «Beno pjarö llëme. Nopga botoya ioror beno tjeng doglo sak dbäw dbäw pjloglo kjäk (7,000). Epga Baal poshrëydë łok llëm obi» lë.

⁵Eerishko ga eni bakoe. Nopga kjrara beno löng kjlöbö obi, ba wopjľú ľi kjřshko. ⁶Kjrara ba wopjľú ľi kjřshko, ľľebo pjľú shäryara kjřshko ľľeme. Eni kjwe ga ba wopjľú ľi beno ľľeno ľľeme.

⁷Era eni ga ľľeye woydara Israel tjëyogarë ľi wľëna ľok ľľeme. Wľëga beno Israel tjëyoga kjrara Sbörë ľirë eröe. Łlamora iara Sbörë beno löng ľľeye kuya woydë ľľëm erä, ⁸tak pjang ba tjľokwo go sorë ľi eni. Tjľë ga

«Nopga iara Sbörë beno löng pë wľeni,
beno löng ľľeye řga ľľëm wľeni,
beno löng ľľeye kuga ľľëm wľeni bakoe.

Shäryara eni dënashko.

Eerishko ga shärye jek eni obi.»

⁹Dënashko ga David tjľëno ba kjřshko bakoe. Tjľë Sbö kong ga

«Dľi shärye ľok ara ľi ios ber ba jyăpgwokľo.

Shärye eni kuzong ga löng wľëp bop tjok ľe,
miga jeno löng, beno löng shdungko erä.

¹⁰Epga ios ber löng ľľeye shärye löng ľi ľľë miyde ľok ľľëm wľo,
ber löng song řyado wľo.»

Nopga judío ľľëm wľeniyo öötong beno tjeng Sbö nopga wľeni

¹¹ĴEni ga Israel tjëyoga diktong, to jeno řyado wľo łotëre? Eni ľľeme. Łľëbo shäryara ľok owa ľi kjřshko ga nopga judío ľľëm wľeniyo döya Sbörë shäng shara. Shärye eni, Israel tjëyoga ber löng ba ymoyotkë ara wľo.

¹²Eni ga judíoga ľľëbo owa shäryono, ľľëbo jera ľok ara. Gueniyo e beno ľľëbo pjľú nopga judío ľľëm wľeniyo kong, ľľëbo wľëna ľok ara e kjřshko. Eni ga judíoga ľi döyashko ga e ber ba kong ľok pjľú anmoyö.

¹³Nopga judío ľľëm wľeniyo, ľľëbo ľër woydë bomi kong shara. Tja ichara Sbörë ba tjľokwo roy ľë bomi kong Jesús äska. Bor kong ga pak ëre tjwľö ara. ¹⁴Gueniyo woydër ga pjäy ymoyotke bor pjeyogarë ara, epga kjone kjone där wľo. ¹⁵Bor nopga rayara Sbörëshko ga äska pjäy tjëyoga oblë oblë wľokjrayde shara. Gueniyo łlono ga epga wľokjre jek obi. Era ber shinmo woshrra iröng obi wľeni. ¹⁶Pjľung shosho buk kjrina sho zoroy kjrina, ioroy beno tjeng dboy Sbö kong wľeni ga łlamo beno buk dboy ba kong bakoe.

Kjor slëng tjeng dboy Sbö kong wľeni ga kjor ľi kowo tjeng dboy ba kong bakoe. ¹⁷Sbö nopga, e so kjor dgak jong kjľara ko *olivo* kjoyoe. Bäm go ga Abraham kjrara Sbörë, iara beno kjor ľi slëng wľeni. E irgo ga ba tjëyo tek beno ba irgo ľi iara beno tjeng ba kowo wľeni. Gueniyo kjone kjone kjara beno tjeng dboy, kjor kowo tora pjir wľeni. Pjäy nopga judío ľľëm wľeniyo ľira so kjor kjľara ko *olivo* kjľoshko so kjoyoe. Eni ëmdë ga pjäy tōna beno tjeng ba nopga tjok, kjor kowo smona ba kjor jong ľi doyo go wľeni. Eni ga pjäy beno löng mär ba slëng go wľeni. ¹⁸Gueniyo pjäy krë e go ľľëm, pjäy tjwľö ara nopga kjara ľi kjinmo ľëmi ľľëm bakoe. Woyotjľřzi ga kjor kowo ľi, e mär ba slëng go, ba slëng ľi mär ba kowo go ľľëme.

¹⁹«Kjor kowo tjeng bām go li kjara, tjawa smoya ber tjeng ba āska wlo kjishko ga tjawa twiō ara, judioga kjinmo» lēmire? Eni lēme. ²⁰Judioga li kjara, mār ba go lēm kjishko. Ga pjāy mār ba go kjishko ga pjāy tōna beno tjeng ba nopga tjok, kjara li āska. Gueniyo pjāy krē e go lēm, Sbō bangkjrozi dey. ²¹Tjeng bām go li kjara, mār ba go lēm kjishko. Eni ga pjāy mār ba go ame wleni ga pjāy kje eni bakoe.

²²Sbō wopjlú, gueniyo lēbo owa shāryaga li shdūya kjange. Nopga mār ba go lēm li shduna kjang, gueniyo shāng wopjlú bomi tjok, pjāy mār ba go kjishko. Gueniyo pjāy mār ba go ame wleni ga pjāy shdūya bakoe. ²³Erō lēme. Nopga mār lōng ba go lēm li opyē ber lōng mār ba go irōng obi wleni ga epga tōya ba nopga tjok irōng obi, kjor kowo tora, smona irōng obi wleni. Shārye Sbōrē eni ga pjūe. ²⁴Pjāy so kjor kjlara ko *olivo* kjloshko so kjoyoe. Pjāy smona kjor dgak jong kjlara ko *olivo* li doyo go wleni ga kjange. Gueniyo judioga lira so *olivo* li kowo kjoyoe. Kjone kjone tora li smoy irōng obi wlo ga kjang lēme.

Israel tjējyoga uunkong dār

²⁵Pjeyoga, woydēr ga lēbo miydēba lēm wleniyo li miydēmi pjū, pjāy krē lēm wlo. Israel tjējyoga kjone kjone lōng lēye kuya woydē lēm āar jong nopga judío lēm wleniyo dār wlo li dōktong uunkong pjir guing. ²⁶Israel tjējyoga uunkong dār eshko jā, tak pjang Sbō tjlōkwo go sorē li eni. Tjlē ga «Bi dōga li tjwe Siōn kjokyo dwayo.

Eshko ga owa pjang Jacob tjējyoga go li lōya ber drete.

²⁷Sbō tjlē ga “Tjlōkwo tworor ba kong, beno iyado wlo li beno eni: ‘Owa pjang ba go li lōn ber drete’” le.»

²⁸Eerishko ga Israel tjējyoga kjone kjone lōng Sbō wloyo, ba tjlōkwo pjū li kjre lēm kjishko. E kjishko ga ba tjlōkwo roy pjū li ichara bomi kong shara. Eni emdē ga epga kjrara Sbōrē dēnashko kuzong ga woyde Sbōrē ara, ba tjlapgaga tek dēnashko so twiō ara anmoyō li kjishko.

²⁹Lēye twara Sbōrē ga dōya irōng ame. Ēye rokara ga woyde ara iyado bakoe. ³⁰Dēnashko ga pjāy Sbō kolono lēme. Gueniyo eerishko ga epga Sbō kolē lēm kjishko ga pjāy songe le Sbōrē shara. ³¹Eerishko ga Sbō kolaga lēm li beno epga shara. Gueniyo ilono ga epga songe le, pjāy eerishko ga songe le sorē ga eni. ³²Nopga uunkong iara Sbōrē beno lōng ba wotjīk owa li tjok, uunkong li songe le ba wopjlú li kjishko wlo.

Sbō poshrēra Pablorē

³³Sbō, e pjū anmoyō. Ba kjok miydē li tjliga erē lēm, wotjīk lē miydaga erē lēm, lēbo shārye sorē miydaga erē lēm bakoe. ³⁴Lēye woyotjīya li miydaga erē lēm, poshdungga erē lēm bakoe. ³⁵Pogo twiō ē kong lēm, kong lēye twaga erē ba kong, āska twe ba kong irōng obi wlo lēm bakoe. ³⁶Lēbo tjeng kēs li shāryaga erē, e ba sogo bakoe. E kjishko ga bi lēbo tjeng kēs li twaga erē bi kong. E poshrēkko iyado. Ber eni.

Shji optwë Sbö kong

12 ¹Pjeyoga, öng twëy Sbö kong ber ba poshrëkklo wloshko ga öng li zröy bäm go. Eni wleni ga shji songe le Sbörë kjishko ga roker bomi kong jlökoyo ga pjäy löng së obishko ga pjäy optwos om go ba kong, llëye woyde shäryëmi wlo li, e shäryozia. Ga poshrëy, woyde sorë li eni. ²Shji opshäryë löng nopga Sbö miydë llëm wleniyo dik ame. Pjäy opyos, pjäy kjlopswe Sbörë ber löng wotjlík oblë wlo dey. Eshko ga llëye woyde Sbörë li llë miydëmi ga pjluë. Llëye woyde li, llëbo pjlu, pjlo bek li e.

³Sbö wopjlú li kjishko ga tja kjimtara ara. E kjishko ga lër bomi kong ga pjäy uunkong iara Sbörë beno löng mär ba go. Eni ga pjäy opwoyotjlís yötso, pjäy tjwlo ara oblë kjinmo woyotjlími llëme. ⁴Bi doyo, llëbo ara ëmdë ga e kjaraso döe. Eni ëmdë ga llëbo kjrina kjrina li pak shäryë oblë oblëe. ⁵Cristo doyo, e eni bakoe. Shji ara ëmdë ga shji tona beno tjeng uunkong Cristo doyo kjaraso wleni. ⁶Sbö wopjlú li kjishko ga shji kjaras kjaras kong kjok miydë twara oblë oblë, woydara sorë li eni. Eni ga pja kong kjok miydë twara ba tjlokwo lëp wlo wleni ga tjlokwo los eni, gueniyo pja mär Sbö go bayo kjöm ga tjlokwo lëp bayo eni bakoe. ⁷Pja kong kjok miydë twara, oblë kjimtëp wlo wleni ga oblë kjimtozong. Pja kong kjok miydë twara oblë pim wlo wleni ga oblë pizong. ⁸Pja kong kjok miydë twara oblë kjimtëp dbokjrë wlo wleni ga shäryos eni. Llëbo twëp nopga song wleniyo kong ba kjimtoklo wlo ga pjlu wleni ga shäryos shäng wopjlúe. Pja kong kjok miydë twara, oblë ichëp wlo wleni ga ichos yötso. Pja kong kjok miydë twara, oblë songe lëp wlo wleni ga shäryos shäng wopjlúe.

Shji ëng woydë ara kar kar

⁹Pjäy ëng woydos ara kar kar jlökoyo. Llëbo owa li rayozí, llëbo pjlu li shäryomirë dey. ¹⁰Pjäy ëng woydos ara kar kar, epenga dö wleni. Oblë iozí ber tjwlo ara, bomi kjinmo. ¹¹Pjäy drön ëë, parkë Tjlapga Jesús kong jlökoyo wlo iyado. ¹²Llëbo pjlu twe Sbörë bomi kong li koshozí löng wopjlúe. Llëbo wen bomi kong owashko ga kuzí löng kjange. Pjäy syöshtos Sbö kong iyado. ¹³Imi ga Sbö nopga löng song wleni ga kjimtozia. Eye tjwe bomi shwoyshko ga wlokjrozí löng wopjlú bakoe.

¹⁴Eye, pjäy shdüya ga rokozi Sbö kong, kjimte wlo, shdüya wlo llëme. ¹⁵Eye wopjlú ga pjäy wopjlú ba tjok. Eye slar ëë ga pjäy slar ëë ba tjok. ¹⁶Pjäy ber löng wlep ëng tjok iyado. Pjäy krë llëm, pjäy tjwlo ara, oblë kjinmo lëmi llëm, pjäy jëk nopga tjwlo llëme lëba li tjok dey.

¹⁷Eye llëbo shäryono bomi kong owa ga kar llëbo owa shäryëmi ba kong llëme. Pjäy drön llëbo pjlu shäryë nopga uunkong bokso. ¹⁸Pjäy drön ber löng wlep nopga uunkong tjok iyado. ¹⁹Pjeyoga, Sbö tjlokwo tak pjang li goshko ga Tjlapga tjë ga

«Eye llëbo owa shäryono ga
shdungga ber tjarë,
llgwega ber tjarë bakoe.»

E kjĩshko ga ẽye ƙƙẽbo shãryono bomi kong owa ga kar ƙƙẽbo owa shãryẽmi ba kong ƙƙẽm, iozĩ ber tjeng Tjlapga wloshko dey, shdungga ber erẽ wlo. ²⁰Sbõ tjłokwo tak pjang eni:

«Bop moskwo pjłirõ wleni ga sës dli,
wodogro wleni ga sës di.

Shãryorop eni ga łokkjřẽ e go.»

²¹Pjãj wotjłik tjwe owa ga jłõ ƙẽmi ƙƙẽm, ƙƙẽbo owa zãzi ƙƙẽbo pjłũ go dey.

Shji tjlapgaga kjok ƙłgwega wleniyo kołẽ

13 ¹Tjlapgaga kjok ƙłgwega wleniyo kołozĩ uunkong. Epga iaga Sbõrẽ beno bi ichaga, iaga ẽye oblẽrẽ ƙƙẽme. ²E kjĩshko ga ẽye opyono beno ba wloyo ga opyono beno ƙƙẽbo shãryara Sbõrẽ ƙi wloyo. Eni ga ba shdungglo ƙi wleya shang ba kong om go. ³Ƙẽye łong ƙƙẽbo pjłũ shãryẽ ga shdũya tjlapgagarẽ ƙi bangkjřẽ ƙƙẽm, bangkjřaga beno ƙƙẽbo owa shãryaga ƙrẽ erõ. Eni ga tjlapgaga ƙi bangkjřẽmi woydẽ ƙƙẽm wleni ga ƙƙẽbo pjłũ shãryomirẽ dey. Eni ga ber łong wopjłũ bomi tjok erã. ⁴Tjlapgaga ƙi iaga Sbõrẽ beno łong ƙƙẽbo pjłũ shãryẽ bomi kong wlo. Gueniyo iara beno łong nopga owa ƙi ƙłgwega bakoe. E kjĩshko ga pjãj ƙƙẽbo owa shãryẽ wleni ga pjãj shdũya tjlapgagarẽ ƙi bangkjřozia. ⁵E kjĩshko ga woyde ga tjlapgaga kjok ƙłgwega wleniyo ƙi kołey. Shãryey eni, shji shdũya ƙƙẽm wlo dõ ƙƙẽm, miydẽy ga e pjłũ shãryoydẽ kjĩshko bakoe.

⁶Tjlapgaga ƙi beno łong pak twara Sbõrẽ ba kong ƙi shãryẽ kuzong ga kã potjwłẽkklo roke bomi kongshko ga tjwłẽzia. ⁷Pjãj pogo tjwłõ ẽ kong wleni ga tjwłẽzi ba kong uunkong. Kã potjwłẽkklo tjwe bomi kong sorẽ pogo ga tjwłẽzia. Nopga bangkjřako ƙi bangkjřozĩ, iozĩ ber tjwłõ ara bakoe.

Shji oblẽ woydẽ ara

⁸Shji iara Sbõrẽ beno łong oblẽ woydẽ ara wlo. E shji pogo tjwłõ oblẽ kong wleni. Eni ga pjãj pogo tjwłõ ẽ kong ga tjwłẽzi pjir, gueniyo oblẽ woydozi iyado. Era tjwłey pjir ga ẽ. Ƙẽye shang ba kɣlara woydẽ ara ga tjłokwo tak łok kjok ƙłgwekklo tara Moisésdẽ go ƙi kołẽ shang jłokoyo. ⁹Tak łok ƙi eni: «Shji pẽ oma boy oblẽ tjok ƙƙẽme. Shji no zrõk ƙƙẽme. Ƙƙẽbo koɣ ƙƙẽme.» Ƙƙẽbo oblẽ tjok obi. Gueniyo kjok ƙłgwekklo uunkong ƙi ber kɣrinaso wleni: «Pja opwoydẽ sorẽ ga bop kɣlara, e woydos eni bakoe.» ¹⁰Ƙẽye ba kɣlara woydẽ ara ga ƙƙẽbo owa shãrye ba kong ƙƙẽme. E kjĩshko ga ẽye shang ba kɣlara woydẽ ara ga kjok ƙłgwekklo ƙi kołẽ shang jłokoyo.

¹¹Bi dõzlong dbaryo ƙi dõrõ, tjłokwo kjřẽmi łong kjwłẽ jã dik ƙƙẽme. E kjĩshko ga ƙƙẽbo ƙrẽ shang bomi kong ƙi shãryozia. Shji ber łong włẽp ame. ¹²Kjok ro sɣ dbaryo ƙi pjito. Kjok shrãn dbaryo ƙi dõrõ. E kjĩshko ga ƙƙẽbo owa shãrye nopga kjok ẽre sorẽ ƙi shãryey ame, ƙƙẽbo pjłũ shãryoydẽ dey. ¹³Shji ƙƙẽbo shãryẽ bẽy erã. Shji ƙƙẽbo owa shãryẽ ẽng tjok ƙƙẽm, shji nełõtkẽ ƙƙẽm, shji orkwosmono ẽ tjok ƙƙẽm ga shji pẽ ba tjok ƙƙẽm, shji wotjłik ƙƙẽbo owa shãryẽ oblẽ tjok ƙƙẽm, shji ẽngkjwẽ ẽ tjok ƙƙẽm, shji ymo ara ƙƙẽm bakoe. ¹⁴Woyde ga pjãj ichaga ber Tjlapga Jesucristorẽ shara, ga ƙƙẽye woyde bi wotjłik owarẽ ƙi woyotjłiy ame.

Shji wotjlik ga lëbo shäryëy ga owa lëy ga shäryëy lëm dey

14 ¹No kjone kjone mär Sbö go, gueniyo lëbo shärye ber pjlo bek Sbö bokso li miyde löng lëm obi. Nopga eniyo wlojkrozï yötso, e lëbo owa shäryono lëy ë kong ame. ²Miyde no kjone kjonerë ga lëbo uunkong ue ga pjluë. Gueniyo kjone kjone obi wotjlik ga sjëng uë ga owa lë. ³Lëbo uunkong ue ga pjlu li miyde löng lëm ëmdë ga Sbö wopjlu ba tjok. E kjishko ga ëye ië lë pogo ga oblë li läywe owa, ba dli li kjishko lëme. ⁴Shji oblë parkaga läywë lëme. Shji uunkong Sbö parkaga. Eye parkono pjluë, de oware, e miydaga ber ba pjluorë. Ga ëye mär Sbö go ga kjimte Sbörë lëbo pjlu li shäryë.

⁵No kjone kjone mär Sbö go, gueniyo wotjlik ga dbar kjwara tjwlo ara, dbar oblë kjinmo lë. Kjone kjone obi wotjlik ga dbar kjwobi li, e kjoyo döe lë. Woyde ga pjäy kjlara kjlara omwoyotjlik yötso, ga lëbo kup ga ber pjlu bop kong li shäryos eni. ⁶Eye dbar jnek ga shärye Tjlapga kong. Shji iëshko ga woyde ga shji löng wopjlu Tjlapga tjok bi dli kjishko. Shäryëy eni ga shäryëy löng Tjlapga kong. Shji sjëng uëre, de lëmdë, e lëno lëme. ⁷⁻⁸Shji jëk sorë laga shjirë om go lëme. Shji löng së obishko ga shji tjeng Tjlapga wloshko. Shji wolono ga shji tjeng ba wloshko bakoe. Eni ga shji löng sere, de shji wolonore, shji tjeng ba wloshko iyado. ⁹Cristo wolono, ga woshrrara Sbörë iröng obi, e ber nopga löng së li Tjlapga wlo, e ber nopga wolono löng li Tjlapga wlo bakoe.

¹⁰Eni ga bop kjlara lëbo owa shäryono lëp ega? E läywëp owa ega? Llonno ga shji uunkong äär löng Sbö bokshto, shji llgweya wlo. ¹¹Ba tjlokwo tak pjang eni:

«Tjlapga tjle ga “Lër bomi kong jlokoyo bor ko go ga llonno ga nopga uunkong tjwe kjök tok bor bokshto.

Eshko ga Sbö poshrëya lok uunkong” lë eni.»

¹²E kjishko ga llonno ga shji kjlara kjlara iche Sbörë ba dboryë, lëbo shäryoroy kës li kjishko.

¹³E kjishko ga oblë lëbo owa shäryono lëy ë kong ame. Shji drön ëë, bi pjeyoga ichëy dir lëm wlo. ¹⁴Tja mär Tjlapga Jesús go. E kjishko ga miydër pjlu ga dli uunkong uëy ga pjluë. Gueniyo ëye wotjlik ga dli lë uako lëme lë wleni ga dli li ber ba kong ue wlo ga owa.

¹⁵Bop kjlara woydëp ara jlokoyo wleni ga barwëp, lëbo uëp li kjishko lëme. Cristo wolono ba kjishko bebi. E kjishko ga ichëp dir dli uëp li kjishko lëme. ¹⁶Miydëp pjlu ga lëbo shäryëp ga pjlu ëmdë ga iya oblërë ga owa wleni ga shäryëp lëm dey. ¹⁷Sbö, e bi pjluo. Gueniyo lëye uëy, lëye iëy, e ba kong ga lëno lëme. Woyde ga shji kjimte ba Sëyarë jëk löng pjlo bek, wlep, wopjlu ëng tjok. Lëye woyde li e. ¹⁸Eye parkë Cristo kong eni ga Sbö ber wopjlu ba tjok, nopga ber wopjlu ba tjok bakoe.

¹⁹E kjishko ga shji drön ëë, lëbo shäryë wlo, shji ber löng wlep ëng tjok wlo, shji ëng kjimtë dbokjrë wlo bakoe. ²⁰Lëbo uëy li kjishko ga lëbo shäryara Sbörë li pjiy woydë lëme. Dli uunkong uëy ga pjluë. Gueniyo oblë ichëy dir,

lëye uëy li kjiŝhko ga owa. ²¹Bop pjeyo ichëp dir, sjëng uëp kjiŝhko, kjiŝlgwo bo dyo dbo ara iëp kjiŝhko, lëbo shäryëp oblë kjiŝhko wleni ga shäryëy lëm dey.

²²Eni ga pjây kjlara kjlara omwoyotjlik sorë li miydaga ber pjâyde, e ga Sbörë eröe. Shji ëng lë kar kar, lëbo ëre kjiŝhko lëme. Miydëy ga lëbo shäryëy ga pjlu li shäryoroy pjir ga «Tja lëbo owa shäryono» lëy lëm dey. Eye omle eni lëm ga era ber wopjluë. ²³Gueniyo ëye wotjlik ga lëbo uako lëme lë wleni ga ue lëm dey. Uara ga lëbo owa shäryayde, e owa lë kjiŝhko. Shji wotjlik ga lëbo shäryëy ga owa lëy wleni ga shäryëy lëm dey. Shäryoroy eni ga lëbo owa shäryoydë.

Lëbo ber pjlu bi kong li wleydë lëme

15 ¹Lëbo shäryëy ber pjlo bek Sbö bokso li miydëy pjlu wleni ga woyde ga shji iirkë bi pjeyoga ommiydoydë lëm obi li kong lëme. Lëbo ber bi kong pjlu li wleydë lëm, ²lëbo ber pjlu bi pjeyoga kong li wleydë dey, opping mär Sbö go jek këgong wlo. ³Cristo ëmdë ga lëbo shäryono ber pjlu ba kong wlo lëm, tak pjang Sbö tjlokwo go sorë li eni. Tjlë ga «Pja laywaraba owashko ga tja laywaraba wleni.» ⁴Lëbo uunkong tak pjang Sbö tjlokwo go dënashko li beno bi poshdungglo, shji opping ber löng e go wlo, shji dbokjrë e go wlo. Eni ga lëbo wen bi kong owashko ga kuy kjang ga pjlu, lëbo tak pjang li koshëy löng wopjlu kjiŝhko.

⁵Shji kjimte Sbörë dbokjrë jek këgong, lëbo wen bi kong owa li kuy kjang wlo. Rokër ba kong ga pjây mär löng Cristo Jesús go wopro ga pjây kjimte wotjlik kjrinaso, ⁶pjây uunkong Sbö poshrëk no kjlaraso wleni wlo. Bi Tjlapga Jesucristo Data li e.

⁷Pjây wlojkrara Cristorë sorë ga pjây ëng wlojros kar kar eni bako, Sbö poshrëkoba wlo. ⁸Cristo öör judioga kjimtë, ba parkaga tjwlëk shäng pjir wleniyo dik, tjlokwo bek lara Sbörë ba tjlapgaga tek dënashko so tjwlo ara kong jlökoyo li ber jlökoyo wlo. ⁹Ga nopga judio lëm wleniyo songe lara bako, Sbö ie lok ber kësang, tjwlo ara wlo, tak pjang Sbö tjlokwo go sorë li eni. Tjlë ga

«Pja poshrër tjëyoga oblë oblë bokshto,
tja të bop kong bakoe.»

¹⁰Sbö tjlokwo tak pjang eni obi:

«Sbö nopga löng wopjlu,
nopga judio lëm wleniyo,
pjây ber löng wopjlu bakoe.»

¹¹Sbö tjlokwo tak pjang eni obi:

«Nopga judio lëm wleniyo,
Tjlapga poshrëzïa.
Tjëyoga oblë oblë,
pjây të ba kong, ba poshrëkklo.»

¹²Ga Isaías tjlëno beno eni:

«Isaí tjëyo wen kjlara,

ber tjëyoga oblë oblë ichaga.

Nopga judío ìlëm wleniyo mār ba go.»

¹³Shji kjimte Sbörë Ìlëye Ìara Ìi koshtë lõng wopjìlúe. Rokër ba kong ga pjây mār ba go kuzong ga pjây kjimte ber wopjìlú, wìlëpe. Rokër ba kong obi ga pjây kjimte ba Sëyarë, Ìlëye Ìara Ìi koshtë lõng wopjìlú anmoyö wlo.

Pablo parkono nopga judío ìlëm wleniyo kong

¹⁴Pjeyoga, miydër pjìlú ga Ìlëbo shäryëy ber pjìlo bek Sbö bokso Ìi miydëmi pjìlú, shäryëmi pjìlú, ga pjây ëng ping e go ga pjìlú bakoe. ¹⁵⁻¹⁶Gueniyo kjibokwo ëre go, Ìlëbo toror bomi kong oblë oblë kjang, woyojemi ìlëm wlo. Sbö wopjìlú Ìi kjishko ga tja iara beno Cristo Jesús parkaga nopga judío ìlëm wleniyo kong, Sbö tjìlökwo roy pjìlú lër ba kong wlo, epga twër ber Sbö kong, öng zrëraba, sho suraba, pjono dret Sbö poshrëkklo wleni wlo, epga ie ba Sëyarë ber tjeng dboy ba kong wlo bakoe. Kjibokwo ëre toror bomi kong kjang e kjishko.

¹⁷E kjishko ga tja shäng wopjìlú Cristo Jesús tjok, pak shäryoror Sbö kong Ìi beno pjìlú kjishko. ¹⁸⁻¹⁹Ìlëbo oblë Ìanyotkër Ìlëme. Ìlëbo shäryara Cristorë bor go Ìi Ìanyotkotë eröe. Tja ichara ba tjìlökwo roy lë nopga judío ìlëm wleniyo kong. Ga tja kjimtara ba Sëyarë Ìlëbo Ìydëba Ìlëm wleniyo shäryë ba kong oblë oblë ara. Eni ga Cristo roy pjìlú löror ba kong Jerusalén kjokyo dwayo äär jong Iliria kjokyo, ga tjìlökwo Ìi kjrara nopgarë ara, beno lõng Sbö kolë shara. ²⁰Tek dënashko ga tjìlökwo roy pjìlú Ìi lër woydë kjok shto oblë oblë, nopga omkuydë Ìlëm obi lõng lishko. Oblë öör omle tjänshko ga tja äär woydë omle jek obi eshko Ìlëme. ²¹Shäryër woydë, tak pjang Sbö tjìlökwo go sorë Ìi eni. Tjlë ga

«Ba roy äär, äatë kjone Ìlëm obi lishko.

Ëye ba roy kuydë Ìlëm obi ga kuya.»

²²Tja jek bomi Ìk löror ara, gueniyo tja jekdë Ìlëm obi e kjishko.

Pablo jek woydë Roma kjokyo

²³Tja jek bomi Ìk woyotjìlín sök lu kop ara tjän. Eerishko ga bor pak pjitong kjok ëreshko. ²⁴Eni ga tja jek shäng España kjokyoshko ga pjây Ìn äär woydë, tja ber sök bomi tjok dbar kjwöbö wlo, pjir ga tja kjimtëmi jek äär eshko wlo. ²⁵⁻²⁶Gueniyo tja to Jerusalén kjokyo bäm go. Sbö tjìlökwo kragaga lõng Macedonia kjokyo, Acaya kjokyo, e dbur töno, iche Sbö nopga song wleniyo lõng Jerusalén kjokyo Ìi kong wlo, ga jek sör ba kong. ²⁷Shäryara lok eni ba woshko, miyde lok ga pogo tjwìlö ba kong ara. Judíoga Sbö tjìlökwo roy shdöno nopga judío ìlëm wleniyo kong. E kjishko ga bek ga kar Ìlëbo twe ba kong, ba kjimtoklo. ²⁸Eni ga dbur Ìi ioror beno tjeng ba wloshko pjir ga tja jongya España kjokyo shara. Tja jek shäng eshkoshko ga pjây Ìn äär. ²⁹Miydër pjìlú ga tja äär bomi shwoyshko ga shji kjimte Cristorë ara eshko.

³⁰Pjeyoga, shji mār bi Tjlapga Jesucristo go, ga shji ie ba Sëyarë ëng woydë ara kar kar. Eni ga tja drön bor pak shäryë wopro ga rokër bomi kong ga pjây syöshtë Sbö kong bor kjishko jìlökoyo. Enira tja kjimtëmi ba

shäryë. ³¹Rokozĩ ba kong ga tja döya Cristo tjĩłokwo kragaga lĩlēm lōng Jerusalén kjokyo lĩ wĩłshko dwayo. Rokozĩ ba kong obi ga bi pjeyoga lōng Jerusalén kjokyo lĩ, lĩlēbo sōror ba kong lĩ wĩłkjre lōk wopjĩlúe. ³²Woyde Sbōrē eni wĩlēni ga tja āar bomi ĩk wopjĩlú, tja woshtē bomi shwoy ga pjĩlú wĩlō. ³³Rokēr Sbō kong ga pjāy ie ber lōng wĩlēpe. Ber eni.

Kjibokwo pjirzĩlong

16 ¹Walē shāng kjĩlara ko Febe. E bi kjĩlara, ga parkē shāng Cristo tjĩłokwo kragaga lōng Cencra kjokyo lĩ kong. ²Rokēr bomi kong ga e mār Tjĩlapga Jesús go kuzong ga wĩłkjrozi lōng wopjĩlúe. Woyde ga shāryēy bi pjeyoga uunkong kong eni. Nopga ara kjimte shāng ara, tja kjimtara ara bakoe. E kjĩshko ga lĩlēye woyde lĩ twozi ba kong bakoe.

³«¿Yonde?» lēmi Priscila, Aquila kong. Epga parkē lōng Cristo Jesús kong bor tjok. ⁴Zrōraba ēy ēmdē ga tja kjimtara lōk ara. Tja wopjĩlú ba tjok, gueniyo tjarō lĩlēm, Cristo tjĩłokwo kragaga judío lĩlēm wĩlēniyo lōng kēs lĩ wopjĩlú ba tjok bakoe. ⁵«¿Yonde?» lēmi Cristo tjĩłokwo kragaga tōn lōng ba ushko lĩ kong bakoe.

«¿Yonde?» lēmi bor kjĩlara Epeneto kong. Asia kjokyoshko ga tjĩłokwo kragaga bām go lĩ e.

⁶«¿Yonde?» lēmi María kong. E parkono ara bomi kong.

⁷«¿Yonde?» lēmi Andrónico, Junias kong. Tjawa epenga dōe. Epga öör lōng bor tjok kjērshko. Epga tōno beno tjeng Cristo tjok bor bām go, ga Sbō tjĩłokwo roy łagaga Cristo āska lĩ kong ga tjwĩlō ara anmoyō.

⁸«¿Yonde?» lēmi Amplias kong. E mār Tjĩlapga Jesús go, ga woydēr ara.

⁹«¿Yonde?» lēmi Urbano kong. E parkē shāng Cristo kong bor tjok.

«¿Yonde?» lēmi bor kjĩlara Estaquis kong bakoe.

¹⁰«¿Yonde?» lēmi Apeles kong. Lĩlēbo weno ba kong owa ara Cristo kjĩshko ēmdē ga beno shāng mār ba go jĩłkoyo.

«¿Yonde?» lēmi Aristóbulo pjeyoga kong.

¹¹«¿Yonde?» lēmi Herodión kong. E judío, botoya dik.

«¿Yonde?» lēmi Narciso pjeyoga kong. Epga mār Tjĩlapga Jesús go jĩłkoyo.

¹²«¿Yonde?» lēmi Trifena, Trifosa kong. Walēga lĩ parkē ara Tjĩlapga Jesús kong.

«¿Yonde?» lēmi bor kjĩlara Pérsida kong. Walē lĩ parkē ara Tjĩlapga Jesús kong.

¹³«¿Yonde?» lēmi Rufo kong. E tjwĩlō ara Cristo tjĩłokwo kragaga kong.

«¿Yonde?» lēmi ba mekē kong bakoe. E bor mekē wĩlēni.

¹⁴«¿Yonde?» lēmi Asíncrito, Flegonte, Hermes, Patrobas, Hermas kong.

«¿Yonde?» lēmi bi pjeyoga lōng ba tjok lĩ kong bakoe.

¹⁵«¿Yonde?» lēmi Filólogo, Julia, Nereo kong. «¿Yonde?» lēmi Nereo dor Olimpo kong. «¿Yonde?» lēmi Sbō nopga lōng ba tjok lĩ kong bakoe.

¹⁶Pjāy ēng woydē ara kar kar kuzong ga «¿Yonde?» lēmi ēng kong wopjĩlúe.

«¿Pjāy yonde?» ĩe Cristo tjlōkwo kfragaga lōng kēs ĩrē bomi kong.

¹⁷Pjeyoga, rokēr bomi kong ga pjāy sjēke. No kjone kjone to lōng ĩlēbo shāryē, pjāy shdār ber dboy dboy wlo, pjāy mār Cristo go ame wlo. Ba kong ga tjlōkwo kjroromi ĩi owa ĩe. Pjāy tōn ba tjok ĩlēme. ¹⁸Epga parkē lōng Tjlapga Cristo kong ĩlēm, parkē lōng ba kong lok om go erā. Nopga kjok miydē ĩlēm wleniyo jyāpgwe ba tjlōkwo wolēso ĩi go. ¹⁹Pjāy Cristo kolē pjlu ĩi roy kura nopga uunkongdē. Tja wopjlu e kjishko. Gueniyo woydēr ga ĩlēbo pjlu ĩi miydēmi pjir, ĩlēbo owa shāryēmi ame wlo.

²⁰Shji ie Sbōrē ber lōng wlēpe. Ga wop ā ga Ā zāya, ga ie ber shāng bomi wloshko.

Rokēr Tjlapga Jesús kong ga ba wopjlu ĩi kjishko ga pjāy kjimte ara.

²¹«¿Pjāy yonde?» ĩe Timoteorē bomi kong. E parkē shāng bor tjok. «¿Pjāy yonde?» ĩe Lucio, Jasón, Sosípaterdē bomi kong bakoe. Tjawa epenga dōe.

²²Kjibokwo ēre taga tja Terciorē bor orkwo go. Pjāy lōng mār Tjlapga Jesús go ĩi, «¿Pjāy yonde?» ĩēr bomi kong.

²³⁻²⁴«¿Pjāy yonde?» ĩe Gayorē bomi kong. Tja wlokrara wopjlu ba ushko, Cristo tjlōkwo kfragaga lōng na kēs ĩi tjok.

«¿Pjāy yonde?» ĩe Erastorē bomi kong. E parkē dbur jnega kjok ēreshko.

«¿Pjāy yonde?» ĩe Cuartorē bomi kong bakoe.

²⁵Sbō, e poshrēkko. Pjāy ie ber lōng wokjang, Jesucristo roy pjlu loror bomi kong ĩi go. Tek dēnashko ga tjlōkwo ēre miydaraba ĩlēm, jnena Sbōrē tjeng kjishko. ²⁶Gueniyo eerishko ga miydēy pjire. Sbō sōk iyado. Ga tjlōkwo ēre ĩara ba tjlōkwo lagaga kong, ga ichara ba tē, roy shdōya wlo, kuya tjeyoga uunkongdē wlo, tjlōkwo ĩi kjre lok wlo, Sbō kolē lok wlo. ²⁷Sbō kjok miydē ara, ēye āār baiya dik ĩlēme. Ga Jesucristo kjishko ga e iēy ber kēsbang, tjwlo ara iyado. Ber eni.